



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## Informazioni su questo libro

Si tratta della copia digitale di un libro che per generazioni è stato conservata negli scaffali di una biblioteca prima di essere digitalizzato da Google nell'ambito del progetto volto a rendere disponibili online i libri di tutto il mondo.

Ha sopravvissuto abbastanza per non essere più protetto dai diritti di copyright e diventare di pubblico dominio. Un libro di pubblico dominio è un libro che non è mai stato protetto dal copyright o i cui termini legali di copyright sono scaduti. La classificazione di un libro come di pubblico dominio può variare da paese a paese. I libri di pubblico dominio sono l'anello di congiunzione con il passato, rappresentano un patrimonio storico, culturale e di conoscenza spesso difficile da scoprire.

Commenti, note e altre annotazioni a margine presenti nel volume originale compariranno in questo file, come testimonianza del lungo viaggio percorso dal libro, dall'editore originale alla biblioteca, per giungere fino a te.

## Linee guida per l'utilizzo

Google è orgoglioso di essere il partner delle biblioteche per digitalizzare i materiali di pubblico dominio e renderli universalmente disponibili. I libri di pubblico dominio appartengono al pubblico e noi ne siamo solamente i custodi. Tuttavia questo lavoro è oneroso, pertanto, per poter continuare ad offrire questo servizio abbiamo preso alcune iniziative per impedire l'utilizzo illecito da parte di soggetti commerciali, compresa l'imposizione di restrizioni sull'invio di query automatizzate.

Inoltre ti chiediamo di:

- + *Non fare un uso commerciale di questi file* Abbiamo concepito Google Ricerca Libri per l'uso da parte dei singoli utenti privati e ti chiediamo di utilizzare questi file per uso personale e non a fini commerciali.
- + *Non inviare query automatizzate* Non inviare a Google query automatizzate di alcun tipo. Se stai effettuando delle ricerche nel campo della traduzione automatica, del riconoscimento ottico dei caratteri (OCR) o in altri campi dove necessiti di utilizzare grandi quantità di testo, ti invitiamo a contattarci. Incoraggiamo l'uso dei materiali di pubblico dominio per questi scopi e potremmo esserti di aiuto.
- + *Conserva la filigrana* La "filigrana" (watermark) di Google che compare in ciascun file è essenziale per informare gli utenti su questo progetto e aiutarli a trovare materiali aggiuntivi tramite Google Ricerca Libri. Non rimuoverla.
- + *Fanne un uso legale* Indipendentemente dall'utilizzo che ne farai, ricordati che è tua responsabilità accertarti di farne un uso legale. Non dare per scontato che, poiché un libro è di pubblico dominio per gli utenti degli Stati Uniti, sia di pubblico dominio anche per gli utenti di altri paesi. I criteri che stabiliscono se un libro è protetto da copyright variano da Paese a Paese e non possiamo offrire indicazioni se un determinato uso del libro è consentito. Non dare per scontato che poiché un libro compare in Google Ricerca Libri ciò significhi che può essere utilizzato in qualsiasi modo e in qualsiasi Paese del mondo. Le sanzioni per le violazioni del copyright possono essere molto severe.

## Informazioni su Google Ricerca Libri

La missione di Google è organizzare le informazioni a livello mondiale e renderle universalmente accessibili e fruibili. Google Ricerca Libri aiuta i lettori a scoprire i libri di tutto il mondo e consente ad autori ed editori di raggiungere un pubblico più ampio. Puoi effettuare una ricerca sul Web nell'intero testo di questo libro da <http://books.google.com>









RACCOLTA  
di  
POESIE INEDITE

DIALETTA GENOVESE

DEL SAPORELLI

GIUSEPPE PERAGALLO



GENOVA

NELLA STAMPA DI GIUSEPPE PERAGALLO

1870.





11431 a 27  
RACCOLTA

DI

# POESIE INEDITE

IN DIALETTO GENOVESE

DEL SACERDOTE

**GIUSEPPE PÉRAGALLO**

---



GENOVA

REGIO STABILIMENTO TIPOGRAFICO LAVAGNINO

1870.

---

**Proprietà Letteraria**

---



## AL LETTORE

---

Il nome del Sacerdote **GIUSEPPE PERAGALLO**, rapito nel 1849 agli amici e alle muse nella verde età d'anni 37, suona abbastanza glorioso tra noi per le sue **OANZONI SACRE POPOLARI**, di cui già si fecero ventiquattro edizioni, che superfluo sarebbe il tesserne qui l'elogio. Ma s'egli meritamente ottenne la pubblica lode per la santità ed elevatezza de' suoi pensieri che così bene seppe tradurre in lingua italiana con una rara semplicità di stile ed invidiabile spontaneità di verso e di rima, non minor lode gli venne quando, o pregato o per semplice suo diletto, maneggiava la **Musa genovese**, cui tanto illustrarono il **Cavalli** ed il **Piaggio**. Queste di lui poesie, la maggior parte scritte, o per meglio dire improvvisate, in occa-

sione di pubbliche Accademie nel Seminario Arcivescovile, spirano brio, grazia, naturalezza, non iscompagnati da quella castigatezza propria del suo bell'animo: s'egli però avesse vissuto qualche anno di più, ne avrebbe corretto qualche difformità di stile e di parola, sfuggitagli certamente nella prestezza con cui soleva dettarle. Ma come egli, modesto com'era, poco e nulla sentiva di sè, non ebbe mai, quantunque più volte pregato, la minima intenzione di pubblicarle colle stampe battezzandole col nome di **BAJE GENOVESI**. Esse pertanto ora rimarrebbero sepolte con lui, se qualche suo intimo familiare, a cui, dopo caldissime istanze, ne consegnava l'originale, non le avesse nascostamente trascritte. Gli è dunque ch'ora vengono alla luce per espresso desiderio degli amici, i quali intendono di voler in tal modo sempre più onorare la memoria di lui. Riguardo all'ortografia, ci attenemmo a quella dettata dal Casaccia nel suo lodatissimo **DIZIONARIO GENOVESE-ITALIANO**, che, a nostro credere, è la migliore di quella sinora adoperata dagli scrittori antichi e moderni.

**GLI EDITORI.**

## TOBIA E SÒ MOGGÈ

---

Figgi cäi, cose l'é mai  
Unn-a donna fastidiosa!  
No gh'é inferno, no gh'é diai,  
No gh'é pèsta, no gh'é cosa  
Che se posse mette a pao  
De ... sta pèsta, e de ... sto diao.  
Infelice chi ha pe-i pè  
Un malanno de moggè.

L'ommo invece o l'é unn-a pasta  
Chi s'arrende e no contrasta;  
Senza invidia, senz'arfè,  
Comme i spiriti do Cè:  
Queto, scetto, franco, amigo,  
Senza smorfie, senza intrigo,  
O l'é anchèu comme doman,  
O ve parla cō chëu in man;  
O l'ha mà se ve ven mà,  
O vorrieiva poeive indoà;  
Ne-i manezzi o l'é prùdente,  
Ne-e misèie o l'é paziente;

S'o l'é maoto, in paxe e amò  
Tutto o piggia da-o Segnò.  
E poi dixan..... saeiva megio,  
Me dixeiva ùn ommo vegio,  
Che taxessan, perché a-o mondo  
Se mai l'ommo o cazze a-o fondo,  
Se o dà di òte in ciampanelle,  
Ghe o fan dà certe sciarbelle  
Figgie d'Eva, c'han a testa  
Fæta a moddo 'de tempesta,  
E no quetan manco morte.  
No capì? sbraggiò ciù forte,  
Vegniò a-e prèuve, e ve porriæ  
Città fæti da città,  
E tià zù ùnn-a stöia eterna  
Comensando dâ Lanterna  
E vegnindo finn-a ä Pilla:  
Ma i taxiò, ché semmo in villa,  
E no vèuggio contùrbà  
L'allegressa da giornà.

Piggiò invece ùn argomento  
Dall'antigo Testamento  
Adattòu ä circostansa:  
Cò pensciö Zena lascemmo,  
Camminemmo, camminemmo,  
Perché o paize ond'èuggio andà  
O l'é molto in lontanansa,  
E gh'é stradde da fà sùà.

Semmo in Ninive: veddeì  
Là quell'ommo zà antighetto,

Ch'o l'ha in spalla un cataletto,  
E o se o porta con piaxeì?  
Quello vegio o l'é Tobia.  
I Asciri in t'ùnn-a guæra  
L'han cacciòu co-i aste in tæra,  
E o l'é cheito in prexonia;  
Ma quantunque prexonê  
L'allegria se vedde in là  
Di ommi giûsti e rassegnæ;  
Finn-a o Re chi l'ha piggiòu,  
Se pèu dî ch'o n'é innamuòu:  
O ghe porze di dinæ,  
E o ghe lascia a libertæ  
De poeì fâ cose ghe pâ,  
E d'andà donde o veu andà;  
E o brav'ommo de Tobia  
Comm' o i spende, dond'o gia?  
Donde o porta a sò virtù,  
O l'é stanco, o no pèu ciù:  
Questa nèutte o n'ha piggiòu,  
Se pèu dî manco respïo:  
Primma ùn maoto o l'ha ascistïo,  
Poi treì morti o l'ha portòu  
D'arescoso a sotterrâ.  
A sò nèutte, a sò giornâ  
Sempre o a passa a questo moddo.  
Quand'o porta ùn pò de broddo  
A-o pöndiao chi langue in letto;  
Quand'o cerca l'orfanetto,  
E o ghe mette a mutta in man;

Quand'o mangia insemme o pan  
Cö stroppiù, cö fradellin;  
A ün figgièu o ghe fa o röbin,  
A quell'atro a marscinetta,  
A sò borsa a l'é a riçetta  
Di despiaè, di tribolæ.

Questa scì ch'a l'é caitæ,  
Questi scì che son esempi  
Da imitâse a-i nostri tempi,  
Che s'adotta l'invenzion  
Publicâ da Meistro Pigna,  
Che s'aspêta l'occaxion  
De fâ a festa a San Graffigna,  
E l'é stæta sostituia  
Unn-a vëa filantropia  
A-a caitæ do bon Tobia.  
Ma no vèuggio declamâ...  
Sento ün ürlo, cose sã?

Unn-a donna chi s'ammassa,  
Pä ch'a s'èugge cacciâ in ciassa:  
Ferma, acciappa, rōso, arresta,  
A l'ha i èuggi fèua da testa,  
O bandò chi se despunta,  
Un gran naso fæto a punta,  
E ganascie desdentæ,  
I cavelli spanteghæ,  
Ferma, ferma, a l'é unn-a stria.

No scignori, a l'é a sciâ Netta,  
A moggè do bon Tobia.  
O che lengua maledetta  
Zitto, stæla ün pö a senti.



Sci che vèuggio ciù soffrì  
Questa vitta! l'é træ nêutte  
Che gh'appaegio e meje chènute  
Tùtta a seja e lascio a-o fèugo,  
E ch'o vegne no gh'é lèugo;  
No gh'é lèugo de mangià  
Unn-a cosa assaxonà;  
Son pastetta, son inguento,  
E lè poi per complimento  
O vegnià c'ùn pà de morti.....  
Maledetto i beccamorti,  
Maledetto chi i eleze,  
Maledetto chi i proteze,  
Maledetto i caudatài,  
Maledetto i mandatài,  
Maledetto drappi, bare,  
Çimbali, organi, chitare,  
Maledetto, maledetto.....  
Ma ve o là c'ùn cataletto.

Sci, nèh cào, ti l'hæ attrovôu?  
Miæ che morto fortûnôu!  
Senza ti, chi sa, de votte,  
O l'avia piggiôu de botte,  
O, con questa aietta crûa,  
Acciappôu quarche puntûa;  
E se mai son costippæ,  
Pövei morti, gh'èu caitæ.  
Pà ch'o peize; o l'é ùn boccon,  
Se no sbaglio, bellebon;  
Vegni, cào, portimeo sciù,

Se o spartiamo..... ti vegniësci?  
D'indavvèi?..... ti me o portiësci?  
Miæ che diascoa de virtù!  
Ah mincion, ah babillan,  
No gh'èu morti, gh'èu do pan.  
Lê o ve ven cõ collo storto,  
O dà o pan, e o porta o morto.  
Me l'han dito ch'o l'é bon,  
E che bon vèu di mincion;  
Ma son stæta inverdugà,  
E me son dovûa majà  
Con sto nescio de Tobia.  
Me sovven quand'ëo fantinn-a,  
Che contento, che allegria!  
Voeivan tùtti a scià Nettinn-a;  
Scià Nettinn-a, comm'a va?  
Scià Nettin, comme scià sta?  
Ghe son servo devotiscimo,  
Scià Nettin, servo umiliscimo,  
Scià Nettin, scià stagghe ben.  
E mi proprio me n'andava  
Tùtta in broddo de taggiæn,  
E o me chëu o se deslenguava.  
Ho piggiou sto beccalin,  
E ho lasciou d'ëse Nettin,  
Son vegnua scià Netta; ùh! ùh!  
Uh! ùh! ùh! ùh! ùh! ùh! ùh! (piange)  
E Tobia? me paei Tobia  
O no l'ha manco sentia,  
E tranquillo o monta a scà.

A scià Netta inveninà  
A se sciùga presto i èuggi  
Che cianzeivan comme trèuggi,  
E a ven zù pe-e scàe a-o scùo  
A derrùo che te derrùo.  
Mià che caxi! pe despeto  
L'é a scaa streita e fæta a peto.

A moggè chi ven con impeto,  
Comme ùn spirito folletto,  
A no vedde o cataletto,  
A ghe piggia ùnn-a testà,  
E a o fa càzze zù da scà.  
Sbalordìa da-o colpo, a vèu  
Trattegnìse, e a no se pèu;  
A sò majo a cazze addosso,  
E van zù dosso bordosso.  
Un o dixe: a l'è finìa!  
L'atra a sbraggia: beccamorto!  
S'arve a cascia, sàta o morto,  
In to scùo s'accresce a puia,  
E s'addescia a tanto sciato  
Tùtto quanto o vexinato.

In Asciria gh'è l'ùzansa  
Che se sentan remescià,  
Sciòrtan tùtti d'in ta stansa,  
Arvan porte, van a mià  
Chi remescia, chi busticca,  
Pronti sempre a dâghe a cicca;  
Perché g'han di mandillæ,  
E di laddri in quantitæ.

Cosci appenn-a s'é sentio  
Quello picco, e quello crïo  
Comme lampi se vestivan  
Moggè e maii, e porte arvivan,  
Con pensà che foise ascoso  
In ta scaa quarche angoscioso.

Gh'èa ne-o nùmeo di vexin  
Un Bancaotò e ùn Scöpellin,  
Un Foghista, ùn Maxellà,  
Un Pattè, ùn Ferrà, ùn Trippà,  
Gente bonn-a a fà conosce  
Che in ta scaa no vèuan di angosce.  
Ma o ferrà chi èa ciù vixin,  
A-o senti di: Beccalin,  
Cosa solita à scia Netta,  
C'ùnn-a voxe da trombetta  
O sbraggiò: nò v'atterri,  
No gh'é ninte, andæ a dormi.  
Barbasciùscia o l'ea de Taggia!  
Se resveggia a cuixitæ  
De moggè ch'èan zà allarmæ;  
Se diffonde ùnn-a tartaggia;  
Dixan tütte: gh'oemmo vedde,  
Perché abbrettio no se credde.  
Chi decidde de scappà,  
Chi de dase, chi de stà,  
Chi d'andà a ciammà sordatti,  
E se pà all'aspià di matti.

Sciorte a mezo Cattainin  
A moggè do scöpellin

C'ùn gran pèsta de scöppello;  
A moggè do maxellà,  
Donna quaddra e stramezùà,  
C'ùn lunghiscimo cottello.  
O bon ommo de pattè  
O tegniva sò moggè,  
Che quantunque arrensenia  
Da ùnn-a forte apoplexia,  
E co-a bocca ùn pò in sciùn lòu,  
Ranghezzando a s'èa ridùta  
Con sò majo in sciò ballòu.

A Bancaota giana e fùta  
A dixeiua a-o sò Beppin:  
Ah passemmo da-i barçoin!  
Beppin cà, aggi pietæ  
Da tò Tonia e di dinæ.  
E Beppin chi èa ùn pò bibbin,  
Attaccando in çimma a ùn bacco  
Fæto, a gancio ùn lungo sacco,  
O metteiva a sò meitæ  
Con due çacce de dinæ,  
E con molta precauzion  
O a chinava da-o barcon.  
Ma quantunque a-o primmo cian,  
Ghe scappò o bacco d'in man,  
E a moggè a se rompe o collo;  
Delirante o poveo sciollo,  
Co-a speranza de salvà  
A sò Tonia e o sò diná,  
O fé ùn sâte da despeòu,  
E o s'è mezo fracassòu.

Taxo o' sciato da Trippæa,  
Streita amiga da Ferræa,  
Che piccavan, tempestavan,  
E comm'aquile sbraggiavan,  
E versavan senza moddo  
Zù pe-a scaa cadëe de broddo.

Taxo i ùrli di figgièu  
Che ve favan creppà o chèu,  
E de serve che i ninnavan,  
E de cagne che bajavan.  
Ve diö solo, che a moggè  
Do Foghista invexendà  
Pe levàse de pe-i pè  
Tanto sciato e tanto mà,  
A cacciaa fùlminanti  
Furgai, rèue da tùtti i canti,  
E sò majo a l'attissava!  
Tiava o vento, e s'attaccava  
In sà in là l'incendio, e Ninive,  
Comme ùn giorno a gran Cartagine,  
A sæ andæta in tanta genie,  
Se Raffaele dā celeste  
Gloria ùn sguardo o no chinava,  
E ùn remescio de tempeste  
In Asciria o n'addesciava.  
Cangia o vento in t'ùn momento,  
Se fa ùnn'äia da spavento,  
E derrùa fra lampi e troin,  
Sorva i teiti ægua a cadioin,  
Intra l'ægua in ogni lèugo,  
Manca a sciamma e cessa o fèugo.

Figgi cāi, fra veitæ e vesce,  
Veddei ben che o tema o cresce,  
E gh'avieiva ancon da dī,  
Ma dispero de finī;  
*Cependant*, dixè i Franceixi,  
Se voi atri sei corteixi,  
Abbreviando terminiō.

In to pòrtego torniō  
Dove sò d'avel lasciōu  
A sciā Netta e o sciō Tobia.....  
Ma comm'æla? en scappæ via.  
Gh'é ancōn o morto descasciōu,  
Allagōu de broddo in tæra,  
E atra gente chi fa guæra;  
Ma Tobia, ma sò moggè,  
Che no poeivan ciù stā in pè,  
Comme diascoa son scappæ?  
San Raffaele o i ha salvæ.

Mentre tûtto pe-o caroggio  
L'èa disordine e borboggio,  
Quest'Arcangeo benedetto  
In ta stansa o penetrò  
Dove stava queto in letto  
Tobiolin, e o l'addesciò,  
E o ghe disse: Tobiolin,  
Ti ti dormi e fra momenti  
Un terribile destin  
O sovrasta i tò parenti;  
Veddo i arme, veddo i sbiri,  
Veddo in fùrie o Re di Asciri

FÀ sentenze e condannàli;  
Va in to pòrtego a sarváli.  
Dito questo, o spari via.  
Pöveo figgio de Tobia!  
In t'ùn attimo o s'alsò,  
E de slanso a scaa o piggiò;  
O n'ha visto ni a Trippæa,  
Ni o Foghista, ni a Ferræa,  
Ni l'incendio, ma o l'ha visto  
Ne-a personn-a de sò poæ  
O spettacolo ciù tristo,  
E ciù degno de pietæ:  
Un poæ vegio prexonê,  
Ammaccôu dâ testa a-i pê,  
Lungo in tæra chi cianzeiva,  
E fra e lâgrime o dixeiua:  
Ah Segnò, se pù ve piaxe,  
Finì presto i giorni mæ,  
Riceveime in santa paxe!  
O l'ha visto in faccia a moæ,  
Tùtta sangue..... o voeiva di:  
Moæ, Poæ cão!..... ma profferi  
O no poeiva ùnn-a parolla.  
Pe ùn momento o colla, o colla  
Pe no i fâ soffri de ciù;  
Ma poi cede a sò virtù.  
Drento o chëu o se senti franze,  
E o buttò ùn scciùppon de cianze.  
O i aviæ vosciûi portâ  
Da ùn chirùrgo, o da ùn speziâ;



Ma pensando ch'o i perdeiva,  
Se ciù o fava, ò ciù o dixeiva,  
O i baxò cianzendo, e via  
O portò in spalla Tobia  
In t'ùn scito sconosciùo,  
Vixinetto, ma segùo.  
O tornò da' lì a ùn pittin  
Pe piggiàse in spalla a moè,  
E vegnivan zù squaddrein  
De sordatti e sbirì armæ,  
Che in asciro giastemmavan  
L'ægua e i fùrmini, e sbraggiavan:

*Zai katima mikka rakko,  
Benni benni lukko sakko,  
Che vèur di: Birbanti brùtti,  
Vegnì presto in prexon tutti.*

Miæ che sciati pe dōtræ  
Donne matte invexendæ!  
A st'antifona se særa  
Arve e porte, e cessa a guæra.

Moè, eoraggiò, andemmo via,  
Tobiolin dixe à scià Netta;  
In scè spalle o se l'assetta  
Pe portàla da Tobia;  
E corrindo graziadio,  
De sarvåla gh'è riùseio.

Ma creddeì ché in to scappà  
A scià Netta chi èa tornà  
A-i sò sensi a voesè stà  
Senza crià, senza giappà?

Barbasciûscia! torno a di,

A no a voeiva ciù finì.

Tùtta colpa de tò poæ,

A dixeiva a Tobiolin,

O sã sempre ûn beccalin,

Senza chêu, senza caitæ —

Moæ, taxei, che se o veddesci,

L'ho lasciôu ch'o paeiva morto —

No scignor, perch'o l'ha torto;

Dimme ûn pō cose ti diesci,

Se trattando comm'o tratta,

O me voese fã passâ

Pe ûnn-a goffa, pe ûnn-a malta? —

O guaiã, speranza l'hò,

Ma ve diggo ch'o sta mâ —

E ch'ô staghe, o sentiã o sò,

E mi intanto sento o mæ —

Moæ, taxei, no ghe pensæ —

Sci nèh? en tùtti apprèuvo a mi,

E me paei ti gh'è ti ascì.

Stùdiæ tùtti e mæ rovinn-e,

E ti piggi e sò pedinn-e.

Uh! ùh! ùh! — Ma no cianzei,

O chêu proprio me torsei,

V'oemmo ben, ve l'assegùo —

Bello ben, l'ho conosciùo!

Uh! ùh! ùh! — Ma se sbraggiæ,

No veddei gh'è i sbiri armæ,

Se scrovimmo; en tanti diai;

Se ne piggian, caxo mai,

Semmo chëutti, andemmo a sosto,  
Senza vedde mai ciù e cê —  
Ghe stö megio che con lê —

Miæ che bestia! a riscünn costo  
No gh'é lèugo a fâa taxei,  
Se o dixe ün, lê a dixe trei,  
S'o no parla, no ghe manca  
Argomento de parlâ,  
E se a testa a ghe fa mâ  
A l'ha sempre a lengua franca.

Ben pezæ, da çimma a fondo,  
Cosci en tütte e donne a-o mondo,  
Fastidiose, insopportabili,  
Arroganti, incontentabili,  
Sùperbette, capriciose,  
Pettelëe, goffe, invidiose,  
Pötronette, ün pö boxarde,  
Fisse, mobili, testarde,  
Tütte ciarla e ninte fæti,  
Bonn-e solo a addesciâ cæti,  
E a fâ giâ o cervello a-i ommi  
I ciù bravi e galantommi;  
E chi pensa a fâe cangiâ  
Pésta l'ægua in to mortâ.  
Che, se mai ghe n'é quarcûnn-a  
Chi risplende comme a lûnn-a  
In to mezo a tanto scûo,  
Poei criâ miäcoo de segûo  
(Staggo sempre all'argomento  
Dell'antigo Testamento)

Sentiei di: Debora invitta,  
Abigaile, Ester, Giùditta,  
E quarche atro nomme, e poi?  
Donne bonn-e a bagnà i còi.  
Çerchæ di ommi? ghe n'è pin,  
Tùtti bravi, tùtti boin.  
Miæ, sentì: Abrammo, Noè,  
Geremia, Baruc, Mosè,  
Malachia, Giona, Giacobbe,  
Beniamin, Giuseppe, Giobbe,  
Naum, Michea, Amos, Abdia,  
David, Gionata, Anania,  
Azaria, Elia, Daniele,  
Ezechiele, Osea, Gioele,  
*Et cetera*, andæ avanti,  
Ghe n'è pin da tùtti i canti  
Da portà in parma de man.  
Queste cose tùtti e san,  
E a mæ texi a l'è provà  
*Evidenter*. Me rincresce  
Che o mæ tema sempre o cresce,  
E che devo terminà.  
Che se voese ancon di o resto,  
N'aviaè dito manco o sesto  
Da materia che gh'è ancon;  
E pe fà ùn commento bon  
Solo solo in sce Tohia,  
E mostràve ben che stria  
Foise quella sò moggè,  
No a finieiva in sce dui pé:

Bezèugniæ che m'assetasse,  
Che pe ûn meize ve parlasse,  
E che ã fin per conclûxion  
Ve dicesse, ghe n'é ancon.  
E notemmo, che a sciâ Netta,  
Levôu sempre a sò lenguetta,  
E a sò testa chi fûmmava,  
Pe-o restante a l'êa ben brava.

Eh! che i ommi en troppo boin,  
Me dixeiva quello vegio,  
Tante votte saeiva meglio  
Che dêuviassan di bastoin.



## A Disceiza d'Ünn-a Stella

---

Fantaxia da mæ testa, allarga i æe,  
Segui l'ampio cammin che t'arve o verso,  
Vòrtite a-e stelle, e sciallite d'ammiæ.

A ciù bella fattûa dell'üniverso,  
Levôu l'ommo, a l'é a stella; a ün di sò raggi  
Son innamuðu, son fêua de mi, son perso.

No çerco co-i pastoî l'ombra di faggi,  
No çerco co-i scignori ünn'abbondansa  
De carrossè, de servitoî, de paggi.

No m'importa da-i chèugghi impîme a pansa  
De lasagne, de trippe, de ravièu,  
E riè con quattro amixi in t'ünn-a stansa.

M'é cåo mangiå da famme, e allargå o chèu  
In çimma a ünn-a montagna onde no sento  
Atro che l'armonia do roscignèu.

E li tanto che forte, o léggio vento  
O m'agita i cavelli, ammiå ünn-a stella  
Che sola a brilla e a riè ne-o firmamento.

O stella, o stella cåa, comme ti è bella!  
Comme ti lûxi! oh chi me dà ün cavallo  
Ch'o l'agge i æe! chi me ghe mette a sella!

O chi me rende breve l'intervallo  
Che passa dâ tò sfera a questo mondo,  
Chi me dirizze per no cazze in fallo!

Avvardæve che sghêuo.... sento ne-o fondo  
Dell'anima ûnn-a forse chi me porta;  
No me stæ ciù a parlà che no rispondo  
A-i abitanti d'ûnn-a valle morta.

Fuff... fuff... fuff... (1) perdingolinn-a!  
Fuff... fuff... fuff... sangue de bacco!  
Scignor no, no se cammînn-a,  
Mezo parmo no me stacco;  
Me pâ d'êse ûnn-a patella  
Che pe-î schêuggi a se rebella.

E per cose ti te gii  
Cosci bella a-i êuggi mæ,  
E per cose ti m'inspii,  
Stella ingrata, tanta coæ  
De possede nell'altessa  
De tò sfere a tò bellessa?

E per cose ti me di:  
Chèu, voentæ, risolûzion;  
Sâta, e mi te fô vegni  
Co-a mæ forse d'attrazion;  
E ti stendi e bracce e pâ  
Che ti m'êuggi in Çà porta?

Ah crûdele pellegrinn-a  
Di celesti aêrei campi,

---

(1) Scuotendo da ogni fuff le braccia come per  
tentar di volare.



Fäsa stella mattütinn-a,  
Ti me brüxi co-i tò lampi,  
Ti me ciammi, e poi ti rii,  
E ti godi a-i mæ sospii?

Ah te posse vegnì intorno  
Unn-a nuvea neigra e scüa,  
Ch'a l'intorbide o tò giorno,  
Ch'a l'asconde a tò figüa,  
Ch'a se sparte, e a bëutte fëua  
Lampi, fûrmini e gragnëual

Ah te passe da vixìn  
A gran cöa d'unn-a cometa  
Ch'a te faççe in menissin,  
Ch'a te cangie in t'un pianeta  
O ciù vile e abbominöu  
Che o gran Giove agge creöu!

Ma cos'ho dito,  
Cos'ho pregöu  
All'astro bello  
Chi m'ha innamuöu!

Silenzio, amixi;  
Stella, perdon,  
Vortæ ün pö i èuggi  
Là dà-o barcon.

Ve a là ch'a scende  
Da-i firmamenti  
Comme unn-a ciümma  
Portà da-i venti;

Ve a là ch'a l'intra  
Ve a chì ch'a ven,

Chi me dà aggiùtto,  
Chi me sosten?  
Miæ un pō che lūxe,  
Miæ che bellessa!  
Cazzo in deliquio  
Dall'allegressa.

Ecco a se pōsa:  
Ve a lt pōsa;  
A se ne rië,  
E a me sta ammià.  
O stella cāa  
Degna d'amō,  
Per mi ciù bella  
Che a Lām-a e o Sō.

Oggi paziensa  
Se t'ho insùltou  
Da-o troppo affetto  
Squæxi accecōu.

Veddo aoa proprio  
Quanto ti m'ammi;  
Ti m'invii primma,  
E ti me ciammi;  
E poi vedendo  
Che questi pē  
N'han tanto elastico  
Da schitta in Cē,

Ti fæ seiçento  
Mia miggia e ciù,  
E per piggiame  
Ti vegnì zù.

Pösite, o stella,  
Un pittinin;  
Sò che ti è stanca  
Da-o gran cammin.

L'é megio primma  
Che ti respìi,  
E doppo insemme  
Faemo di gii.

Intanto sacci  
Che se eminente  
L'é in Çè a tò bella  
Sfera lùxente,

Cangliando posto  
Ti n'hæ cangiòu  
A grande altessa  
Che ti hæ lasciòu.

Inchinn-a a testa,  
Fa riverensa,  
Ché ti è dappresso  
A sò Eminensa.

Ma donde, sento  
Che dixe a gente,  
L'é questa bella  
Stella lùxente?

Dònde l'é o disco?  
Dònde l'é o raggio?  
Chi ælo chi ha visto  
O sò passaggio?

Eh vatt' asconde  
Ti co-e tò stelle!

I èuggi guersci  
Te fan ciæbelle.

Scignori, ammiemmo  
Comme parlemmo,  
Mi no son guerso,  
Ni alluðu, ni scemmo.

Voet vedde a stella  
Vegnûa da-o Çê?  
Ve a là ch'a lûxe  
Ne-o Cabarè.

Ve a là a mæ giôia,  
Ve o là o mæ amô,  
Ve a là a mæ Lûnn-a,  
Ve o là o mæ Sò.

Vegni, avvixinite,  
Stella diletta,  
Vegni chî, appendite  
A esta gassetta.

Vegni che pe aoa  
Ti t'è pösâ  
Vëgnime, o stella,  
A consolâ.

Vegni, fa presto,  
Famme lûxi,  
Se ciù ti tardi,  
Me sento moi.

« Ah sciollo! » Amigo,  
Erzi ün pō o collo;  
Chi ælo sto fûrbo  
Chi dixè sciollo?

« Ah sciollo! i èuggi  
« Te fan ciæbelle;  
« Quelle en medagge,  
« E'no son stelle ».

Ah goffo! primma  
De parlâ senti  
O risùltato  
Di esperimenti.

I megio astronomi  
Rûsci, Italien,  
Frânçeixi, Ingreixi,  
Americhen,

Che vegnûi orbi  
Da-o gran stûdiâ,  
Ne-a lûnn-a i ommi  
Han visto sghêuâ;

Che senza aggiûtto  
E senza bânsa,  
Peizan Mercûrio  
D'in ta sò stansa;

Che ve mezûan  
Orbite, elissi,  
Che ve predixan  
Tempeste, eclissi,

Sconvolgimenti  
Do Çà e da tæra,  
Pèste, contaggi,  
Malanni, guæra;

Scî, questi astronomi  
Mæximi sùando,

E riflettendo,  
E meditando,  
Han finalmente  
Poi conosciuto,  
Che senza stelle  
In Cê gh'è scûo;  
Che queste stelle  
Rapidamente  
Van da levante  
All'occidente;  
Che intorno a-e stelle  
I nostri antighi  
Han piggiûu spesso  
Grîgoe pe ombrighi.  
Perché e ciammavan  
Lanterne erranti,  
Candeie acceize,  
Globi volanti,  
E fabbricavan  
Di straordinâi  
Scistemi assurdi  
Fra lô contrâi.  
Tralascio pe aea  
De confûta  
Questi scistemi  
Che no pëuan stâ;  
M'attacco â paola  
Globo, e ve prëuvo  
In breve ûn semplice  
Scistema nëuvo.

Globo l'é o mæximo  
Che romaniatta,  
E a stella invece  
L'é rionda e ciatta.

Cacciæ per l'äia  
Un gran ballon  
Ne-o corso o trèuva  
Oppoxizion,

Perché a colonna  
Dell'äia a o schissa,  
E o cazze in tæra  
A ûzo panissa.

Cacciæghe ün sascio  
Riondo e sotti,  
O va che i èuggi  
Nō pèuan segul.

Dunque, se o corso  
Che a stella a piggia,  
O l'é in t'ùn giorno  
Mïoin de miggia,

Ven per legittima  
Vëa conclûxion  
Che non é a stella  
Fæta a ballon,

Comme l'é a testa  
De quelli tali  
C'han ammiôu e stelle  
Co-i cannocciali,

Ma ch'a deve èse  
Riondetta e ciatta

Non fæta a sùcca,

Ni a romaniatta.

Dunque (e concluddo

A mæ tartaggia)

Dunque ogni stella

L'é ùn-a medaggia.



## O MAINÀ BACCICCN

CHI RACCONTA IN SENATO A CONQUISTA

DE GENIE DE SAN GIAMBATTISTA

— —

Eccellense, Sereniscimi,  
Potentiscimi, Illəstriscimi,  
Decantə, stimmə, temmāi,  
Dappertutto conosciūi  
Comme veri Sənatōi,  
Perdonə se in mezo a voi  
Comparisce Bacciccin,  
Stəto ūn tempo pilottin,  
Poi mucciaccio, aōa mainā.

Se dovieiva presentā  
Capitan Gnəra Pasquə,  
Ma o l'ė a bordo in ta sō stansa  
Abbattūo da-i doi de pausa,  
In procinto de creppā.  
Poveo Gnəra! o m'ha ciammāu  
Da-o sō letto, o m'ha baxū,

E dolente de no poel,  
Comme saeiva sò piaxeì,  
Fa o racconto da *Conquista*  
*De Reliquie do Battista*,  
O m'ha dito: Bacciccin,  
Za che devo tiã o gambin,  
E fa ùn viaggio all'atrô mondo  
Sorva ùn mà chi non ha fondo,  
Né ciù spero cangiã stato,  
Vanni ti; parla in Senato.

Za te diãn che ti è ùnn-a sùcca,  
Te gh'òrrieiva ùnn-a perrùcca,  
O capiscio, ma va là  
Che ti parli comme va.

Ti sæ ùn pō de Calepin,  
Ti conosci l'abbacchin,  
Ti hæ stüdiou l'umanità,  
N'aggi pu'a che ti n'hæ assæ;  
Ti è ùn garson de bonn-a pasta,  
Ti è Bacciccia, e tanto basta.

Unn-a cosa t'arregordo,  
Seggi in tæra, seggi a bordo,  
D'avei sempre ne-a memõia  
O mæ affetto pe Portõia;  
Ciccia cão, se ti m'èu ben,  
Amma sempre i Portolien;  
Poi perdendo o barbacio:  
Aimé a pansa, o criava, addio.

Illùstriscimi, son chî,  
E per lê ve parlo mi.

Dopp'avei ciantôu bandëa  
In scî forti de Nicea,  
Rotto a faccia a-i Palestin,  
Trattôu i Tùrchi da assascin,  
Antïochia subissôu,  
Ammassôu, scannôu, sbrannôu  
Tutti quelli che dixeivan,  
Che de Zena se ne rieivan,  
Pin de sciabbre e de tûrbanti,  
Se n'andavimo ciù avanti  
Risolûti de dà fondo  
A-i confin dell'atro mondo.

Mentre ûn giorno eimo all'amà  
Con progetto de desfà  
Quanti o mondo o l'aiva ancon  
De nemixi ä Religion,  
Sento ûn vento da lontan  
Chi n'annunzia ûn ûragan,  
E in t'ûn attimo dintorno  
Unn-a nûvea a crêuve o giorno.

Giæ de bordo, o crïa Pasquà,  
Ciammæ a guardia ch'a va mâ;  
Donde seî, garsoîn, mucciacci,  
Montæ sciù, levæ i velacci,  
Cresce o vento.. animo... agguanta...  
Femmo ûn voto a Tæra Santa...  
Dæ ôta ä meistra... chinæ zù...  
Tiæ sto cäo... montæ sciù...  
Ferma... liga... ciappa... molla...  
Checco... Peo... Martin... Nicolla...

Semmo persci... i tersajèu  
I ei fæti... no se pèu,  
Cresce o vento : fæ i bari,  
Cacciæ in mæ sciabbre a tûrbanti...  
Ah! femmo ægua, emmo da moi,  
Femmo ùn voto a tùtti i Santi...  
Oh Madonna! aggiæ pietæ  
D'esta tûrba de mainæ  
Che s'han rotto o fi da schenn-a,  
Che no pèuan ciù andà de boenn-a,  
Ni andà a lasco, ni sperà  
Senza voi, Stella do mæ!...

Grazie a Dio, riveddo Zena,  
Mæ l'idea de quella seena  
A m'ha fæto ùnn'imprescion  
Che me paeiva d'èse ancon  
A sentime rompi a testa  
Da-o fracasso da tempesta,  
Tanto pèu nell'ommo a puia!

Mi ch'èa tōsto in angonia,  
Cō pansin chi me tremmava,  
O me Santo supplicava,  
Za che tùtto l'èa spediō,  
De poi èse seppellio  
Sotto l'ombra d'ùnn-a croxe  
O co-i Anime da Foxe,  
Ché scibben son ùn garson  
Che n'ho guæi de religion,  
Chi sparlasse do mæ Santo  
O ciantæ morto in t'ùn canto.

O creddiäsci? a-o mæ prega  
Cessa o vento de sciüscia,  
S'abbonassa i ægue e intorno  
Se comensa a vedde o giorno.  
No pä vëa d'ëse salvæ,  
Ciocca e moen tütü i mainæ,  
E mi sbraggio e fasso ün voto,  
Che se mai no son divoto  
Do mæ cåo SAN GIAMBATISTA  
Posse perde a lengua e a vista  
E moi in mezo a ün ùrgan  
In ta gôa d'ün pesciocan.

Cose t'hæ? me dïxan tütü,  
E mi conto e lö stan mütti;  
Conto, conto e sento intanto  
Quarchedün che cianciannin  
O dixeiva: Bacciccin  
O l'é proprio vegnüo, santo;  
Se recillan da-o piaxeì,  
E me veddo a dui a treì  
I mainæ sätåme addosso;  
E baxåme a ciü no posso;  
M'é sätöu pe-i primmi a-o collo  
Gnära e o figgio do Megollo,  
O Scïromba, o Taggiasquixe,  
O Süsson, l'Ancoa, o Pernixe,  
O Spagasci, o Särtia, o Bò,  
O Guersetto e o fræ do Frò.  
Tütü in breve son vegnüi,  
E co-e paole e co-i salüi

E co-i baxi han fæto tanto  
Che me paeiva d'ëse ùn santo;  
Solo nèo o do Cipinolla,  
L'invidioso de Nicolla,  
O m'ammiava da lontan  
C'ùnn-a faccia da Sùltan.  
A sta vista m'é vegnùo  
A mæ freve e n'ho posciùo  
Trattegnime da-o parlà:  
Ah galiotto! ah mandillà!  
T'èu quarcosa? vegni chì  
Che sō foscia bon per ti,  
Fatte avanti, àrvite o passo,  
Ché con ti me ne ligo ùn brasso,  
Vegni, e aviæ dito de ciù  
Se no foise sätòu sciù  
A tappame a bocca e e naixe  
O cuxin da mæ bùgaixe.

Ve diō in breve l'idea sciolla  
Che in ta testa aiva Nicolla.  
Pretendeiva st' insensòu  
D'avei lè tanto pregòu  
San Nicolla, che tornà  
Foise a carma a-o sò pregà.  
Pensæ ùn pō s' o poeiva lè  
Ottegni tanto da-o Çè,  
Mezo sordo, desdentòu,  
Guerso, zembo, abbisciasciòu,  
Tutto sosta e appenn-a bon  
Pe refullo de cannon.

Poveo bestial questa gente  
Sciù de d' àto a no se sente.

Me diè, ti co-a tò caladda  
Ti vœ mezo fœua de stradda:  
Cose importa a-i Senatoi  
Queste braghe ch' èi fra voi,  
E comm' intran ne-a *Conquista*  
De *Reliquie do Battista*?

Cão Senato Sereniscimo,  
Sciscignor gh' intran beniscimo,  
Senza queste no porriæ  
Contà e cose comme son,  
Senza queste ve dovix  
Spifferà unn-a confùxion  
Confùsiscima, discorde.

Mi che sò che quando e corde  
Son co-e gümene intrighæ,  
Co-i antenne, co-i pennoin,  
Chi non ha o prinçipio e o fin,  
No se pœuan desgarrùggia,  
Ho creddùo che faeiva mã  
A taxèi quanto v' ho dito.  
Senatoi, s' ho da fà fito  
No me stæ ciù a interrompi.

Continuava fra de noi  
A rattella, e me sentiva  
Tutto o sangue chi buggiva,  
Tutt' assemme sàta in pè  
Rocca Zizzoa, timonè,  
Ommo vegio e de talento:

Cose sento? cose sento?  
(O se mette a di) Mainæ,  
E ve seî dunque scordæ  
L'amò antigo, a bella union  
Invidia da ogni Nazion?  
Se ste cose se saviân  
Pe Portôia, cose diân!  
Ah! fræ cäi, se ancon voè ben  
A-i Prëlotti, a-i Portolien,  
Se ne-o chêu ve resta ancon  
Mezo diò de religion,  
Bacciccin Nicolla o baxe,  
E finisce tutto in paxe.  
Sovvegnive de Gian Stea,  
Capitan d' ûnn-a galea,  
Morto in mezo a ûnn-a tempesta  
Pe avei troppo fümmi in testa;  
Sovvegnive de Lûcchin  
Naufragôu a Navarin,  
De Beppin dito o Catran  
Portôu via da ûn uragan,  
E de tanti che son morti  
Anche in mezo a-i megio porti,  
Ché o Segnô per fâne mol  
O no deve ricorri  
Sempre a-i fûrmini e a-e tempeste;  
E poscibile che a queste  
Rimembranse aggiæ coraggio  
D' insùlta, corpo dell' aggio!  
A-o Segnô chi v' ha salvôu?



Se ve pã d'avèi pregôu  
Tutti dui pe-o stesso fin,  
Ritornæ de bonn-a lûnn-a,  
Piggiæ ûn calice de vin,  
Fæve ûn brindixi e saccia  
Quello dito de mæ poæ  
Che due corde pëuan ciù che ûnn-a.

Queste paule persuadeivan  
Tanto quanto, ma no poeivan  
Totalmente abbonassà  
O figaeto d' ûn mainà,  
Quando in mezo a tanta guæra  
O mæ amico Pagna Gnæra,  
Quæxi in estaxi rapïo,  
Forte o sbraggia alsando ûn dïo:  
Veddei là sorve Patëa  
Unn-a specie de lûmmëa  
Tutta raggi e senza cõa,  
Che de véddia a l' innamõa,  
(E l' ho vista e o porriæ zûâ  
Unn-a lûxe in Çè brillà)  
D' ûn cõ scimile all' argento?  
No sentï che sciûscia ûn vento  
Chi ne porta senza voel  
Verso a lûxe che veddei?...  
(E veamente l' ho sentïa  
Unn-a specie d'arbaxïa  
Chi sciûsciava, chi sciûsciava  
E che driti a ne portava  
Verso o lêugo nominõu).

Mainæ cāi, son inspirôu,  
Continuava Gnæra, e sento  
In mi stesso ûn rapimento,  
Ma parlando in portolian  
Profanieiva ûn don do Çè:  
Zitto! alsæve tùtti in pè  
Che ve parlo in italian.

Fen scilenzio e ognùn s'alsò,  
Gnæra in estaxi o parlò:

« Oltre l' onda che tranquilla  
« A Patera il fianco bagna,  
« Sorge piccola una villa  
« In bellissima campagna,  
« Le sorride il primo riso,  
« Puro il raggio mattutin;  
« L' amaranto, il fiordaliso  
« Ne coronano i confin.

« Mira, e tu se il cielo ingombra  
« La tempesta in notte oscura,  
« Tu fuor vedi in seno all' ombra  
« Il sorriso di natura,  
« Candidissima una stella  
« Sul tuo cielo tremolò,  
« E l' orror della procella  
« Come lampo dileguò.

« Mira, e tu se irati i venti  
« Fanno oltraggio alla marina,  
« Hai ministra di potenti  
« Una Cenere divina;  
« Quella invoca in mezzo all' onda

« Chi è vicino a naufragar,  
« Cessan gli euri e van la sponda  
« Queti i mari a lusingar.

A l'é vëa, *San Giambattista*,  
Criava mi pin d' allegria,  
Basta avei due dĩa de vista  
Tùtta a lite a l' é finìa.  
L' atro invece o sostegniva  
*San Nicolla*, e o l' insordiva  
I Mainæ da-o gran sbraggià:  
Paxe presto se veddiä,  
(Criava Gnæra chi saveiva  
L' avvegñi, ma ch' o no voeiva  
Fàlo oggetto de rattelle)  
Se ne son propizie e stelle  
Queste Çenie benédette  
Da Stamilla se portiän,  
Faan duamìa novantasette  
Miggia e a Zena se fermiän:  
O Portoia, o Chèulloa, o Prè  
Preparæve di lúmmetti,  
Distingueive ne-o quarté:  
O Sozeia, o dul Cannetti,  
Banchi, Fraveghi, San Sci,  
Mèu, Sarzan, no stæ a dormi.  
Cosci ancon dixeiva Gnæra,  
E toccavimo za tæra.  
Pëo, Scimon, Lúcco e Martin  
Dan recatto a-i scalandroin,  
E spedii sätëmmo zù

Comme porta a zoventù.  
No se tratta de mangià,  
Ni de beive, ma d'andà  
A Stamilla in scè dul pè,  
Senza giascio, ciù inderré.  
S'applaudisce, se camminn-a,  
In te quanto? in t'unn'oettinn-a  
Arrivemmo, domandemmo,  
S'informemmo, ritrovemmo...  
Semmo in Gexa... fèua picchette,  
Fèua piccoin, martelli, ascette,  
E infiammæ d'ùn sant'ardò  
Se derrùa l'artà maggiò. —  
Säta a mezo ùn fratte secco,  
Giano e tiòu comme o Sciò Checco,  
Eh birbanti animo! o crià,  
Fèua de chì, sùbito via,  
Maifabeni, laddri, e intanto  
Sciorte fèua dall'atro canto  
C'ùn scösà tento de fümme  
Un frattin cō mocalümme;  
Dall'insemme l'ho piggiòu  
Pe ùn novizio, e n'ho sbagliòu,  
Perch'o l'aiva a testa rionda  
Comme ùn euvo, e tütta monda.  
Sto tömetto de frattin  
O l'acciappa ùn sùnaggin,  
O no parla e däil.... ven zù  
Tutti i fratti che l'èa sciù:  
Chi portava ùnn-a spassoia,

Chi ùn baston, chi ùnn-a messuia,  
Chi s'armava de candè,  
Chi de spranghe e tõe do letto;  
Gh'èa fra i atri o Cuxiné  
Ch'o l'aveiva ùn scādaletto,  
Due cassaole e a cassaræa.

Ghe n'aviaè ciù che o sciò Gæa  
Se ve voëse raccontà  
A barùffa, o sciato, o lùà  
D'esti pövei Religiosi,  
Che, a di scetto, in conclùxion  
Non aveivan che raxon.

E se seì ommi virtuosi,  
Con che drito, ne dixeivan,  
E dixendolo cianzeivan,  
Con che drito ne stürbæ,  
Ne dæ breiga e n'arröbæ?

E noi atri: o drito o l'é  
Che in Portöia no ghe n'é  
D'esti Santi, e noi dovemmo  
Portà là quello che voemmo  
Per diritto de natüa;  
E chi voeiva contrastà  
Ghe batteivimo ùn pö a pua  
E o mandavimo a spigoà.

Fræ Ghigærmo e Beneitùsso  
Pe ëse stæti ciù ostinæ  
Fèua d'avei piggiöu bacchæ  
G'han lasciöu barba e cappùsso:  
Fræ Vittorio o restò senza

L'èuggio drito, e Fræ Michè,  
Dopp'avei perso a paziensa,  
O restò fejo in t'un pè.  
Taggio cùrto e lascio o resto  
Da barùffa pe fà presto.  
O racconto che m'avansa,  
O l'è grave e d'importansa,  
E o me ciamma tutto a lè.

Mi, Scimon e Bertomè  
E varii atri cœ-i piccain  
Femmo in pessi i mârmai, i moin,  
Prîe, colonne; e ciù scavavimo  
Tæra e prîe solo trovavimo;  
Ma o coraggio o no mancava  
Perché Gnæra o ne segnava  
Che gh'èa quello che cercavimo.

Finalmente sciorte fèua  
Da ùnn-a parte ùnn'ùrna vèua  
Chi me fa mandà ùn sospïo  
E dà quarche sguardo in gïo.  
Scava scava, o mæ piccon  
O trà o lùmme e o no va avanti.  
Sbraggio forte: Gh'é de bon,  
Gh'é ùn depoxito de Santi...  
Scavo e scrèuvo, e ciù piccinn-a  
Veddo ùnn'ùrna d'osse pinn-a:  
*San Nicolla!* crîa comm'ùnn'aquila  
O mæ vinto Antagonista.  
*No lasciæ son atre genie,*  
*Ei trovou San Giambattista....*

No son quelle che percha,  
Criava i Fratti, no lascia...  
Barbasciùscial in t'ùn momento  
S'alsan voxi de contento,  
In sce l'urna se caccemmo,  
O depoxito baxemmo,  
E nisciùn se pèu fermà  
E da-o cianze e da-o baxà,  
Poi l'alsemmo, e a muggi in spalla  
A portemmo ch'a pà a galla.

Ne corriva appreuvo i Fratti  
E sbraggiavan comme matti,  
Ma dall'abito ingaggeiti  
Ne-o cammin son tutti cheiti,  
Fèua ch'ùn laico e Paddre Stèa,  
Che l'han duà finn'a Patèa.

Se dà intanto flato à tromba,  
E se sente che rimbomba  
D'ùn bell'eco tutta a riva :  
Bräi Zeneizi! evviva! evviva!

O depoxito o l'é a bordo,  
E mi allegro comm'ùn pescio  
Paeiva o figgio de Betordo,  
Fäva di atti comme ùn nescio,  
No dixeiva, ma sätava,  
E in to chëu mè recillava :  
Che allegressa pe ùn Zeneize  
Avei parte a queste impreize!

No parliò da divixion  
De Reliquie pe-a raxon

Che son certo che da questa  
L'é vegnùo quella tempesta  
Da quæ ancon no v'ho parlòu.  
E no penso de parlàve,  
Perché sò ch'a m'ha seccòu,  
E aviæ vèuggia de seccàve  
Se ve l'oesse stà a contà.

Ve diò solo che pe-o mà  
Ne-o momento che partivimo  
Armonie d'Angei sentivimo,  
E veddeivimo de stelle  
Vegnì e andà comme ciæbelle  
In scè teste di mainæ.

Senatoì, semmo arrivæ,  
E Reliquie son restæ  
Lazzù a bordo e aspètan l'ordine  
Do Senato Sereniscimo  
Onò e gloria da Nazion,

Senatoì, me perdonieì  
Se ùnn-a specie de mincion  
Chi no sa parlà e taxei  
O l'ha avùo l'impertinensa  
De vegnì in vostra presensa,  
E parlà comm'ho parlòu.

Ma mi son messo mandòu,  
Ho o cervello ùn pittin dùo;  
Ho parlòu comm'ho sapùo,  
E se sa che i Portolien  
Parlan mà, ma pensan ben.

---



## PE-O NATALE

---

Cão Bambinetto dexiderôu,  
Ah scialla, scialla, che t'hò trovôu!  
L'é ciù d'unn'ôa che te cercava  
Che sciù pe-i monti m'arrampinava,  
E che corriva ben de galoppo  
Pe poè avei sto bello intoppo;  
Corriva in moddo pe-o monte e o cian,  
Che m'hò frappôu mezo unn-a man.  
Ma no fa ninte, no sento dô  
Basta che vedde o mæ Segnô.  
Ah! Segnô cão, seì proprio bello!  
Ah! mi de véddive no son ciù quello!  
Ah! mille mondi me pä de gode,  
Vorriæ ëse poeta che faeivo un'ode  
Anacrëontica, e vorriæ di  
Cose che faeivan proprio stordi.  
Ma za che tanto hò a testa dûa,  
E i mæ versetti no fan figûa,  
O poeti celebri, vegnîme intorno  
In questo insolito e nêuvo giorno,  
Vegnî chî tâtî, presto vegnî

Ché a-o mæ difetto dovè sùplli.  
Portæve ùn organo, ùn chittarin  
Un pianoforte c'ùn amandoìn,  
E fæve vedde bräi Muxicanti  
Ne-o lödà o *Santo de tütti i Santi*;  
Esaltæ a gloria do Figgio Eterno  
Che pe scampâne da-o basso inferno  
O l'é disceizo in questa tæra  
Portando a paxe, levando a guæra,  
Non za co-a pompa d'ùn Re, d'ùn Ducca,  
Ma come dixè San Pè, San Lucca,  
Cö bello séguito d'unn'ùmiltæ,  
Che exempio dävène za no porriæ.  
L'é o sò palazzo ùn tügüriotto  
Privo de porta e tütto rotto;  
O l'ha pe chinn-a ùn pö de fen,  
Poet accapt s'o dorme ben!  
O l'é covertò? oh barbasciüscial  
O piggia o vento quand'o ghe sciüscia .  
Benché sò moæ c'ùn manto vegio  
A ghe o ripare ä bellamegio.  
Pe compagnia, pöveo figgièu!  
Atro o no vedde che ùn aze e ùn bêu;  
Ma se o veddesci, o non ha päo,  
Che mòtto d'öu! che tonno càol.  
Che maschettinn-el che belli èuggin!  
Che bello mentol che cavellin!  
Ah! se gh'é proprio demuöu natüa  
In questa bella rara fattüa;  
Ma chi risplènde in sciö sò viso.

Chi é viva immagine do Paradiso,  
Son due pupille luxenti e belle  
Ciù assæ che a lunn-a, ciù assæ che e stelle.  
In faccia a questi quanti ommi gh'en.  
Son tutti guersci, tutti orbixen.  
Pittoi famosi, copiælo ùn pō  
Se seì capaçi, mi ve paghiō;  
Vegnì chî, Apelle, Raffæ d'Urbìn,  
Rùbens e Giùlio, miæ se seì boin.  
Ah chî l'é inùtile l'abilitæ!  
So' inimitabili, no ve provæ.  
Ma za l'é meglio che vadde avanti  
Pe no dà tedio a-i ascoltanti,  
Che, se no sbaglio, all'apparenza  
Ciù de sentime non han paziensa;  
Chi storçe o collo, chi no m'ammia,  
Chi ciarla insemme, chi se retia.  
Perdingolinn-a! faesci scappà  
A vèuggia a-i fratti de predicà.  
Aoa finiscio, stæ ancō ùn pō attenti  
Ché ve fō poi di complimenti.  
Miæ lasciù all'äia quanti Angiolin  
Scendan cantando lodi a-o Bambin;  
Sentì che cantici, che scinfonie!  
Andæve asconde, poeti e poexie,  
I vostri versci e cose son  
Da cetra angelica a-o paragon?  
Cantæ, Angioletti, dunque cantæ,  
Voì scì che o spirito ne rallegræ.  
Ah che se voèsci sempre cantà

Ve sentiæ finn-a senza mangià!  
Ma cose gh'ælo? chi ælo che picca?  
Chi ælo chi spuncia? chi me dà a cicca?  
Ammiæ un pò chie, son tutte gente,  
Chi é de levante, chi é de ponente.  
Pastot, vegnuï pe adoà o Bambin,  
E senti o vostro bello voxin.  
Mi me ne vaddo, ve cedo o posto,  
Ché no me sento de stà chî a rosto.  
Ma deh! lasciæme anc'un pittin  
Vedde quelli èuggi là do Bambin,  
Se lè o m'ammïa solo un momento,  
Mi me ne vaddo cō chêu contento.

---

## Un Generale e Ün'n'Aquila

### Sûnetto.

L'é sciûsciantecinque anni che pe-a cò  
Te tegno, Aquila altera, in te mæ moen;  
Ti sæ che non é stæto per demòda,  
Se t'hò seguïo ne-i paixi i ciù lontan.

Ti sæ che quando a barbara Scignòda  
Da Senna contro a t'attissava i chen,  
Con ciù forse e coraggio appunto allòda  
Te difendeiva pe-e montagne e i cien.

Ti hæ perso l'èuggio drito ä testa drita,  
E mi ho piggiòu ün'n-a balla in to çervello  
Chi me fa sraxonä quando raxonn-o;

Sèguime dunque contro all'infinita  
Túrba che per l'Italia a fa o bordello:  
Ah che ti è chëtta e peä se t'abbandonn-o!

Mi vinso e no perdonn-o,  
Mi se con l'ombra tò ti me rinfreschi,  
Presto l'Italia a diä: Viva i Tedeschi! —

Coscì criava Radeschi  
Vortandose ä tedesca Aquila guersa,  
E quella ä rispondeiva: Ah che son persa!

O mondo o va à reversa.  
Ti n'hæ visto? hò tentòu piggià l'asbrìo  
Verso o Piemonte, e ALBERTO o me dà o giò:

No me riçeive Pio,  
Guizot chi me caezava o l'é scappòu,  
Luigi Feippo da-o trono o l'é derrùdu,  
M'han tùtti abbandonòu!!!

Unn-a vòtta battendo a forte penna  
Piggiava ùn sghèuo terribile da Vienna  
E sbalordiva a Senna,  
E croviva coll'ombra a gran Germania,  
E se a quarche Italian sàtava a smania

De sparze da zizzania,  
Con quest'ungia per l'àià ò sollevava,  
Sotto e nordiche nebbie ò trasportava.

E tùtto terminava.  
Aoa l'é cangiòu tempi, o cào Radeschi,  
S'andemmo a questo moddo me stan freschi

Tùtti quanti i Tedeschi.  
Ti me vèu ben, l'é vèu, ma me sovven  
Che anche a Marengo ti me voeivi ben.

Eppù da quelli chen  
De Françeixi hò piggiòu quella baccà  
Che fin che vivo no a porriò scordà.

Amigo cào, me pà  
Che doppo che a ùnn-a testa ho perso ùn èuggio  
Ciù no se posse di: Vèuggio e no vèuggio.

A nave a l'é in t'ùn schèuggio;  
Daggo quarche beccà per l'Ungheria,  
In Polonia, in Boemia, in Lombardia,

E o becco o se me già  
Come s'o fosse de pastetta ò çeia,  
L'é inùtile sperà ne-a primmaveia;  
O tempo o l'é in candeia  
In Fransa, in Inghiltæra, dappertùtto,  
Solo pe-i campi nordici o l'é brùtto.

No se pèu sperà aggiùtto  
Manco da-o gran colosso de Nicolla:  
Ah ti no te n'accorzi? o mondo o scrolla.

Sento c'hò a pansa molla,  
No posso batte i æe da-o gran magon:  
Damme ùn pittin de sevo ò de rezion,  
Ché cazzo in abandon;  
Hò appetito, hò ùnn-a famme chi m'ammassa;  
Ti hæ lì do broddo dämmene ùnn-a cassa.

Ma sitto! sento in ciassa  
Unn-a voxe chi crïa: Viva BALILLA!  
Unn-a lùxe tremenda intorno brilla

Chi me stanca a pùpilla.  
Ah semmo persci! andemmosse a caccià  
Tutti dui co-e gallinn-e in to polla.





LAMENTI  
DO DIAO ZORZIGAN  
NE-O VEDDE O DIAO ASMODOEO  
LIGOU DA S. RAFFAELE  
IN TI DESERTI D'EGITTO

---

Ve o là o mæ primmo

Amigo vëo,

O mæ cameadda,

O mæ Asmodeo;

Me sento moi

Solo d'ammião:

Ah pöveo dião!

Ah pöveo dião!

Mia quelle corne

Ch'ëan coscì belle!..

Son tutte rotte,

No son ciù quelle;

L'é streito i èuggi

Ch'ëan senza pao:

Ah pöveo dião!

Ah pöveo dião!

Quella bocchetta  
Chi v'innamoava  
Quando a taxeiva,  
Quando a parlava,

Aoa a pä quella  
De mæ bezão:  
Ah pëveo dião!  
Ah pëveo dião!

E quella còa  
Che nèutte e giorno  
Pomposa e lunga  
O giava intorno,

Aoa a l'é meno  
Che a còa d'un gnão:  
Ah pëveo dião!  
Ah pëveo dião!

Primma o l'aveiva  
Destressa e forsa,  
Aoa o no pèu  
Manco andà all'orsa;

E o l'anscia, o langue  
Sensa ripão:  
Ah pëveo dião!  
Ah pëveo dião!

Se se trattava  
De tentà i ommi,  
De rende birbi  
I galantommi,

Nisciùn riùsciva

A sùperão:

Ah pëveo dião!

Ah pëveo dião!

Oh quante votte

Hò zùgôu insemme

A chi sàvesse

Dì ciù giastemme!

E n'ho posciùo

Manco eguaglião:

Ah pëveo dião!

Ah pëveo dião!

Ma cose serve

Ch'o segge asparto,

Se l'han ligôu

Chì in to deserto?

Se in nisciùn moddo

Posso aggiüttào:

Ah pëveo dião!

Ah pëveo dião!

Ah no me saeiva

Mai ciù assunnôu

De vedde ûn Dião

Incadenôu;

De collà questo

Boccon amão!

Ah pëveo dião!

Ah pëveo dião!

Bello Asmodeo,  
Pommin d'inferno,  
No me stacchiō  
Da ti in eterno,

Te baxiō sempre,  
E te fō cāo:  
Ah pōveo diāol  
Ah pōveo diāol

S'ea tò ne-i giorni  
Che trionfavimo  
E a gente in spalla  
Lazzù portavimo,

Vèuggio èssilo aoa  
Che cangia a festa:  
Ah pōveo diāol  
Ah pōveo pèsta!

## PE-A PARTENSA DE P.....

---

O cäi parenti, o mæ dilette amixi,  
Ve devo ünn'atra vòtta abbandonà?  
No son dunque finìe tutte e mæ crixi,  
L'é stabilìo che degge tribola?  
L'é dunque stabilìo che i mæ nemixi,  
O amixi fäsi m'aggian da insültà?  
L'é stabilìo che n'agge mai da gode,  
E che l'anima e o chëu m'agge da rode?  
Sæn maledetti i sändali e o cappûsso,  
Recco, Rapallo, Ciävai co-i broddæ  
Paddre Ghigermo e Paddre Beneitûsso,  
Fræ Zaccaja, Fræ Zane e i atri Fræ,  
Chi é secco, con chi ha cuiga in to coppûsso,  
Chi no sa ünn'acca e chi sa leze assæ,  
Ghe metto ascì chi me vèu mæ, chi ben,  
I foestè co-i Zeneixi, i matti e i sen.  
Ghe metto... Ma per bacco! ah cos'hò dito!  
Malinconia, d'onde ti m'hæ portôu!  
Meschin mi! poveo Frattel... oimé! son frito!  
Perdon, gente, perdon s'hò giastemmôu!

Se ne-i decreti do destin l'è scritto  
Che mi degge èse ancon perseguitou,  
Cose ghe deve intrà Ciàvai co-i Fratti,  
I foestè co-i Zeneixi, i sen e i matti?

Nò merito, l'è vèò, ma ve domando  
Perdon de mæ giastemme per caitæ:  
M'accorzo che m'andava a testa giando  
E che aveivo e idee meze imbroggiæ;  
Perdonæme, o Zeneixi, e doppo quando  
Vegniè a fà ùnn-a vixita a-i Bröddæ,  
Domandæ cose voè, fò a vostro moddo,  
Ve dō pan, pesci, ciccolata e broddo.

Ma oimè! o tempo o fa cammin,  
Mezogiorno o l'è vixin,  
E zà veddo o postiggion  
Da recatto ä Diligensa,  
Veddo là ùnn-a confùxion  
Che pā proscima a partensa...  
Aspètæ che son chì mi,  
O mæ posto o l'è de chì;  
Monto sciù co-e braççe morte,  
Vaddo via, coscì vèu a sorte  
Sempre avversa a-i pövei Fratti!  
Dæve pù i vostri recatti,  
Arrangiæve postiggioin...  
Ah se fasso za cammin...  
Perdonæ, son mezo alluòu  
Da ùnn-scossa c'hò piggiòu;  
Son zà chì a-e Porte da Pilla,  
Zena, addio, che vaddo in villa.

Zena diletta,  
Diletta Zena,  
Son sempre a ùn atto,  
A-a stessa scena  
A fà a figùra  
Do burattin.

Ciàvai m'aspèta,  
E mi te lascio,  
De ciù no diggo,  
Perché me giascio  
Tùtto in ti denti  
O mæ venin.

Veddo che a mi propizia  
Ese no vèu fortùnn-a  
Sotto cattiva lùnn-a  
Son stæto gènerôu;  
L'é megio che me colle  
Ste pilloe con paziensa;  
Se fasso penitensa,  
L'é segno c'hò peccôu.

---





## BRINDIXI

---

Chi l'avias dito  
Sei meixi fa  
Che in mezo a tanti  
Voi, ti e voscià,

Cioè in mezo a amixi,  
A conoscenti,  
A sèu, fræ, barbi  
E atri parenti,

In mezo a tanti  
Boin Reverendi  
Dovesse fase  
Quest'in vexendi?

Che o nêuvo præve  
Don Costantin,  
Chi minacciava  
D'anda a Tacchin,

Anchêu contento,  
Allegro e san  
O se dovesse  
Fa baxà a man?

Che a questa tōa  
O ne trovïæ,  
Che o primmo posto  
O s'acciappïæ,  
Ch'o se gödieiva,  
Ch'o se scialliæ,  
Ch'o faeiva ün brindixi  
A-i Convitæ?  
Chi l'avïæ dito?  
Nisciün per bacco!  
Ma a Scià Cicchetta  
A l'é in to sacco;  
In sciün Vascello  
A s'é imbarcâ,  
E in California  
L'emmo mandâ,  
E che a ghe stagghe  
In California  
Ch'a sèunne pûre  
A sò sanfornia;  
Ch'a gïe l'America  
Da çimma a fondo,  
Ch'a faççe trùppa  
Pe l'atro mondo;  
Ché s'a l'aspëta  
D'ese ciamma  
Arciçhereddena  
A ghe restià.

Se poi per caxo  
A se stancasse  
De quelli paixi,  
De quelle ciasse,

E a voëse torna  
Fàsea con noi,  
A patti primma  
Voemmo vegni.

Ch'a ne promette,  
Ansi ch'a zùe  
De no fa mai  
Çerte azioin crùe;

Ch'a lascie in paxe  
Chi no a busticca,  
Ch'a cangie o nomme  
Finn-a de Cicca;

E se ghe sàta  
De voer laoa,  
Manca manèa  
De travaggià;

Ch'a vadde pùre  
In ti maxelli,  
Ch'a faççe in pessi  
Manzi e vitelli;

Ch'a se demòe  
Pù quanto a vèu  
In te bütteghe  
Di pollajèu,

Façendo strage  
D'oche e piccioin,  
De pollastretti  
E de cappoin;

Ch'a mette casa  
Pe-i monti e i proei  
Dove ciù abbondan  
Bravi caccioei;

Ch'a gh'allivell'e  
A scciuppetta  
Quando son proprio  
Lì per scruccia,

Tanto che cazze  
De primma man  
Quello tordetto,  
Quel.o faxan.

Allôa ghe diemo  
Tutti: braviscima!  
Ghe daemo o titolo  
D'Eccellentiscima,

E pe ristoro  
E per demôa  
Tutte e sò vittime  
Portiemo in tôa:

Ansi per segno  
Do nostro affetto  
Ghe daemo unn'aa  
De pollastretto,

Un bello pesso  
De bon vitello,  
De brava manza  
Un bon tascello;

Ghe regalliemo  
Quarche nottoan,  
Senza toccaghe  
Mai però a man,

Perchè àtrimenti...  
Ma continuemmo,  
E co-a Scia Cicca  
No se secchemmo;

A l'é unn-a donna  
Ch'a l'ha do matto,  
A pèu promette  
E no stà a-o patto.

Scignori amixi,  
Parenti cäi,  
Che bello giorno  
L'é questo mail

Un f.æ chi celebra  
A primma Messa,  
Un fræ chi batte  
A stradda stessa

Che da tanti anni  
Batto mi asci,  
No sò di cemme,  
Ma lì cosci.

O l'ha davanti  
Un brutto specchio,  
Ma son persuaso  
Che lè o fà megio.

Sta mattin giusto  
L'ho visto andà  
Pe-a primma vòtta  
A celebra,

E a dila scetta  
Mi son restou  
Do sò contegno  
Edificou.

Aviesci dito  
Ch'o l'é un Angietto...  
Ma no, o ven rosso...  
Sia per non detto.

O panegirico  
Da sò bontæ  
O l'é conträio  
A-a sò. umiltæ.

Femmoghe dunque  
In allegria  
Un bello brindixi  
E a sæ finä.

—

## O SAVATTIN GÖSCIN

Stava in t' ùn portego  
Un Savattin,  
Per sorvenomme  
Ciammòu *Göscin*,

Perchè (sæ dito  
Con sò licensa)  
Ne-a gôa o l'aveiva  
Da prominensa;

Però con tûtto  
Che a sorte avversa,  
Chi fa andà e cose  
Sempre à reversa,

A o condannasse  
A sta a-o banchetto,  
O non ëa ommo  
Sensa intelletto;

Ansi per quanto  
Me ne dixeiua  
Un caravana  
Chi o conosceiva,

O s' accapiva

Ben ben de critica,  
De semenäio  
E de politica,

E in tûtto o paize  
Ne-o sò mestê  
Ommo no gh' ëa  
Megio de lê;

Eppù da pochi  
O l' ëa stimmôu  
E da-e cazann-e  
Abbandonôu;

E tûtto questo  
Pe-a gran raxon  
Ch' o no parlava  
Do tutto a ton;

Perchè de vòtte  
Se ghe dixeivan  
Che a un pâ de scarpe  
I tacchi voeivan,

Lê per l' inzegno  
Chi o trasportava,  
Sùbito in Spagna  
O ve sätava,

E o criava forte:  
Siviglia *avant!*  
Fagghe tia i tacchi  
A quello can,



Ti non è mai  
Stæto guerriero,  
Vatte a fa leze,  
Brutto Espartero.

Se ghe portavan  
Di stivalin  
Che voessan pesse  
De marocchin:

O l' é ün pö caeto,  
O rispondeiva,  
Ma o chinniä presto,  
E o se ne rielva;

Tangeri Tangeri!  
Ti l' hæ piggiä,  
Ciù nisciun Türco  
Vivo restiä,

E tütta a pelle  
Di Marocchin  
Me a veddiö forse  
Chì in sciö banchin.

Con questi voli  
O stava di öe  
Comme ün gardetto  
Chi se demöe,

Senza fà ninte,  
Riendo, cantando,  
E de gren cose  
Immaginando,

Tanto che spesso  
O se trovava  
Pin d'unn-a famme  
Chi o tormentava.

Pensando ün giorno  
A-i caxi sò,  
A fantaxia  
Se gh'ascädò;

Gh'è sovvegnüo  
Che antigamente  
Un Eremita  
Dell'Orïente

Ne-a sò montagna  
Queto e retiöu  
O l'èa provvisto  
E ben spezöu,

Perché ogni giorno  
Benigno o Çè  
O ghe manJava  
Tanto per lè;

E coscì allegro,  
Queto e lontan  
Da questo mondo  
Tiranno can,

O non aveiva  
Ciù da pensà  
Per no savei  
Cose mangià.

Bello rimedio!

Scialla Gōscin!

Ti no faia

Ciù o savattin!

Dito - o camminn-a

In sciunn-a ciassa,

E o sàta e o sbraggia

Forte a chi passa:

*Chi accatta lœxine!*

*Chi vœu conchette!*

*Vendo banchetto,*

*Vendo stacchette,*

*Sœe, spago, tacchi,*

*Forme pe-i pè,*

*Tutto a bon patto,*

*Marchand ruinè,*

*Accattæ fitol*

*Amixi, addio,*

*Ve lascio o pòrtego*

*E me retio.*

O vende, o mette

Dinæ in ta stacca,

O l'abbandonn-a

Zena, e tabacca,

Cō chœu contento

O fa cammin

Verso a montagna

De Portofin;

O cerca o scito  
Che ciù ghe pá,  
O se ghe pòsa  
E o sta a pensà.

Misè lazzù Zena!  
Quanti mincioin  
Vivan d' affanno  
E de sagrin;

Veddo o remescio  
Che l' è pe Banchi,  
Van, tòrnan, còran,  
No son mai stanchi!

Quanti pòidiai  
De butteghæ  
Stan Sottoriva  
Assotterræ!

Quanti padroin  
De bastimento  
Van a fa guæra  
Cò mà e cò vento!

Sua con dul remmi  
O barcaieu,  
Bùgatta a faenn-a  
O rebuièu;

Còre o staffetta,  
Ciünn-a o bancà,  
Stenta o camallo,  
Limma o ferrà,

E tanto sciato  
Perchè? pe dà  
Quarcosa a-i denti  
Da roziggia.

Se no seì tutti  
Scemmi, a tornâghe;  
Mi senza industria  
E senza paghe,

Fèua do remescio,  
De l' invexendo,  
No guagno ninte  
E ninte spendo,

Ma intanto un Angeo  
Vegniâ doman  
Chi me portiâ  
Pe-o meno un pan,

E c' un panetto  
De quattro lîe  
L'ommo pe un giorno  
O se ne rîe,

E questa mûxica  
A l' andiâ avanti  
Finchè no vaggho  
A stâ co-i Santi.

Chi sa che poi  
L' Angeo chi ven  
Sensa scordâse  
A portâ i poen,

Solo veddendome

Chì ne-o sarvægo,

O no gh' azzunze

Do companægo;

Ch' o no me pesche

Un dentexetto,

Ch' o no me caccie

Qualche tordetto.

Se a succedesse,

Scialla Gõscin!

Per mi son proprio

Un re piccin.

N' invidio a sorte

Do re de Fransa,

Rïo, me recillo

E m' impo a pansa.

Ah! za vorrieiva

Ese a doman

Per vedde cazze

O primmo pan.

Con questa idea

O s' accoegò

E in sce l' erbetta

Sèunno o piggiò.

O giorno o spunta,

Gõscin s' addescia,

I òuggi o fretta,

O se remescia,

E remesciandose  
Quæxi ghe pà  
Che e spalle e ûn brasso  
Ghe façe mà,

Ma no o pensa atro,  
O s' isa in pè  
E o vòrta i èuggi  
Sùbito a-o Cè,

E o dixe all' Angeo:  
Son chî zenziggio,  
Sento appetitto,  
Caccia che piggio;

Ma ni dappresso,  
Ni dā lontan  
L'ommo o no scrèuve  
Ni Angeo, ni pan.

O se consolla  
Con d.: o me fa  
Pe-o primmo giorno  
Un pō aspetà,

Cos' hò da fàghe?  
Ghe vèu paziensa,  
Questi en deserti  
De penitensa.

Semmo a dexe òe,  
S' avansa o giorno,  
Passa za i ûnze,  
L' è mezogiorno,

E băgia băgia,  
E aspêta e ammiã,  
Verso o deserto  
Nisciùn se gïa.

Pe-a roză intanto  
Che in to dormì  
Sciùgôu o s'aveiva,  
Cresceiva i dot,

E ùn forte reûma  
O minacciava  
Se presto a casa  
O no tcrnava.

Battûo dă famme,  
Battûo da-o dô,  
Gôscin conosce  
Tardi o sò errô,

O cianze e læxine  
Ch'o l'ha vendûo,  
O cianze o pòrtego  
Ch'o l'ha cedûo,

E a figûa brùtta  
Che in to torna  
Da San Viçenso  
Ghe tocca a fâ;

O se da pùgni  
Pe-a testa, o sùa,  
E o piggia a stradda  
Chi o porta in Rua.



Amixi, lascio  
Göscin dà parte,  
Parlo a voi atri  
E vòrto e carte.

Breve morale,  
Ben applicà:  
Chi pensa vive  
Sensa stentà,

Ghe o profetizzo,  
O l'é vixin  
A fà figùà  
Do savattin.

Zoveni, vegi,  
Ricchi, pöidiài,  
E sorve tùtti,  
Abbati cāi,

Göscin dà testa  
Mai no ve scappe,  
Perché o l'é o scimbolo  
Di schivasappe.



## A-o Sciò G. B. D...

---

Vorriæ attestàve,  
Cão Bacciccin,  
A mæ allegressa,  
Ma o mæ violin  
No me permette  
De poèi sùnnà.  
Pe ùnn-a fùnesta  
Brùtta disgrazia,  
Do biondo Apollo  
Hò perso a grazia,  
Hò perso l'estro,  
Perso o scigoà;  
In Eliconn-a  
M'han fæto a spia,  
Hò fæto bòtte  
Co-a Scià Talia  
E con Tersicore  
Me son sfiddòu;

Euterpe, Urania

Quæxi hò inguersiò,  
Ho inciagòu Erato,  
Polinnia e Clio,  
Struppiòu Melpomene,  
L'atra ammassòu.

M'ha visto Apollo,

De Muze posæ,  
E senza ùnn'ombra  
D'umanità  
Zù da-o Parnaso  
O me cacciò.

No m'è serviò

Di: *Pietæ, Àpollo;*  
Ciù ùn pò me rompo  
L'osso do collo,  
Comm'ancon segge  
Vivo nò sò.

S'è rotto a lira,

Cetra e violin,  
Scìgoa, chitara  
E chitarrin,

Hò a voxe ròca,  
Stento a cantà.

Aoa me pento

Da mæ imprùdensa:  
Cos'oei che faççe?  
Ghe vèu paziensa,  
Atro che cianze  
No posso fà.

Peò se me resta  
Un pō de sciōu,  
Pe-o mæ Bacciccia  
Chi é risai.ōu,  
Vèuggio dèuvialo  
Finché porriō;  
Adorniō o tempio  
De Fauno e Pan,  
Dei che l'amigo  
M'han reizo san,  
Hò a voxe rōca,  
Ma pù cantiō,  
Ciammiō d'Arcadia  
Tutti i pastoi,  
In questo tempio  
I fō vegni  
I Dei propizii  
A ringrazia.  
Se mi no posso  
Ciù cantà ben,  
Fō vegni quelli  
Ch'en bravi e sen,  
A-a mæ disgrazia  
Quarcùn supplià.  
Gh'è Uranio e Titiro,  
Tirsci e Montan,  
Mopso e Partenio,  
Dafni e Scilvan,  
Pöeti celebri,  
Bravi súnnoet.

Taxan sentindoli

Grilli e sigäe,

Stan i òxelli

Fermi in sci äe,

In corso i flummi

Ciù no veddeì.

Eppù Zaffiro -

O l'è fra lô

Dito fra tutti

Primmo pastò,

Tanto o l'è cäo

De Müze a-o posè.

Vegnì chì dunque

A celebrà

Questa pe Arcadia

Bella giornà,

Vegnì ún bello inno

Presto a intonà.

# O POETA

**Sânctio.**

Criava forte arraggiôu pezo che ûn can  
Un poeta pin de debiti e despiôu:  
L'arpa ä giornâ d'anchêu a no dà ciù pan,  
O mondo, i ommi e Apollo s'é cangiôu;

Fasso ûnn'ode ä speransa e all'ûndoman,  
Con ciù spero, son sempre ciù strassôu;  
No gh'é ciù Augûsto chi ve tocche a man  
Pe-a descrizion d'un bosco ò d'un fossôu.

Da ogni canto me sento tiâ ûnn-a gnæra,  
L'é inutile che sbragge e che me rode,  
Se m'èuggio dà, con tûtti hò da fâ guæra.

O perdigiorni e o bindolo o ghe gode,  
Vive solo a picchetta, a ciûnn-a, a særa,  
E mêue dâ famme o dramma, o poema e l'ode.

## Idea de Præ Tribûn

### SÔNETTO.

Chi é PRÆ TRIBÛN? Un zovenò chi é pin  
De cognizioin, d'inzègno e de talento:  
O l'èa Diacono appenn-a vèi mattin,  
Aoa o l'é Præve fæto, e o vâ pe çento.

Atro che Tribûnin, che Daviddin!...  
Atro che dighe addio per complimentol!...  
Fra poco me porriö ciammà contento  
Se ghe baxiö l'anello e fô un inchin!

Chi é PRÆ TRIBÛN? Un mùxico, ùn geografo,  
Un filosofo, ùn vate famosiscimo,  
Un letterato, ùn teologo, ùn cosmografo.

Che se qualcùn ne voese dübità,  
Ne ciammo in testimonio l'illustriscimo  
Vicàio e o Sciö Canonico Canà.



## STROFEGGIO ZENEIZE

---

Torna in pace, e gli astri amici,  
O Fantini, a' giorni tuoi  
Mai non splendano infelici  
Come splendono per me.

Mi za no ve diö: In segno de paxe  
Vegnï che ve baxe — amigo cariscimo,  
Che forse aviaë puia — de mettive puia;  
Ve diö solamente — in metro dolente,  
Piggiaë sto sùnetto — c'hò scritto d'in letto  
Mentr'ëo addesciöu — scordæve o passöu,  
In paxe tornæ — cariscimo fræ.

Me diei che son stæto — ün perfido, ün barbaro,  
Che rode v'hò fæto — per causa de Sbarbaro,  
In breve, che son — ün gran mascarson,  
Un mâ crëansöu — ün poco edücöu,  
Un liga-berodi — ün fabbrica-ciodi,  
Un mangia-garbùxi — ün tappa-pertùxi,  
Un semina-risse — ün giascia-panisse,  
Un cùxi-savatte — ün mangia-patatte,  
Un zöveno exoso — ün brütto angoscioso,

Un micco, ùn fammetta — ùn grammo cappetta,  
Un stolido, ùn tacco — ùn aze, ùn macacco,  
Un goffo, ùn stivà — ùn vero corbetta...  
A divela scetetta — no posso negà  
D'avei eccedùo — in qualche salùo,  
D'avei.. me ven mà.. — ah! cazzo in deliquio,  
Me manca o respìo — pe-a trista memoia  
Da torbida stöia! — O Sbarbaro, addio,  
Fantini, ve lascio! — tocchemmose a man,  
N'arrivo a doman — son tōsto creppôu!  
O Sô o s'é oscûrôu — a morte a m'acciappa...  
De chi no se scappa! — Ah! posse ùn sùnnetto,  
Che mi ve regalo, — non fâve scordâ  
Dq pöveo Peagallo — a-o meno ne-i tenui  
Estremi conforti....  
Che a tutti se dan — ne-o giorno di Morti.

## Brindixi improvvissôu

---

### Sûnetto.

---

Viva i Fratti d'Oeginn-a e chi i proteze!  
Sbraggiö fin ch'aviö bocca da parlâ;  
Viva Francesco chi g'ha dæto a leze,  
E morte a quanti ghe dexidean `mâ!

Viva chi é bravo assæ, chi no sa leze,  
Viva Fræ Pëo, Fræ Giùlio e Fræ Pasquâ!  
Viva chi é san, chi in pê no se pèu reze,  
Viva chi ha preparòu questo Disnâ!

Vegnì a mezo, Lettoì, Meistri, Guardian,  
Provinçiæ, Cuxinë, Cantoì, Vicâi,  
Predicatoì, Novizii e Secresten;

Sciortì, Laichi, ciocchæ cassaoie e casse;  
Ah sciortì tûtti che ve digghe brail  
E che v' impe de baxi e che v'abbrasse.

---



## Pe ûnn-a Vestizion de Monega

---

### Sûnetto

---

Ben che l'hò visto con due corne in testa  
Vegnite intorno o Sciò Scarpetta a già,  
E fa scoppià per l'äia ûnn-a tempesta,  
Che se ghe penso a me fa ancon tremmâ!

Ben che l'hò visto co-a sò lansa in resta  
Andà de cà, de là, cede, avansà,  
Tëndite agguati in quella parte e in questa,  
E in campo avertò fâ sciorti a sò armâ!

Ma t'hò visto ti asci cō tò coraggio  
Confidando ne-o Dio chi t'ha ciammôu,  
Fâtene beffe e fâo mangiâ de l'aggio:

E lê confûzo, vinto e svergognôu  
Andà a-o sò paize e giastemmâ ne-o viaggio  
I Monestà, i Conventi e o sò peccôu.

---



## A-o Molto Rev. MELCHIORRE FANTINI

### Sûnetto.

Ferïo da ùn cornûtiscimo dilemma  
Se contorce Lùtero in sciò terren,  
Da ùn sorite atterrôu Calvin giastemma,  
Bayle colpïo da ùn entimema o sven.  
Caronte intanto a tûtta forsa o remma  
Per tragittâ queste anime da chen,  
Meza convûlsa l'Erexïa malemma  
A vòrta i èuggi e a se roziggia e moen;  
E che malanno gh'é chi me sovverte  
L'impero, a sbraggia, e a vedde Ario e Scimon  
Incontro a lê vegnì co-e brasse averte:  
Semmo chèutti, dixè Ario, o ne dà a striggia  
Quello can de Fantini, ùnn'indûzion  
A m'ha fæto in trei pessi ùnn-a caviggia.  
Anchèu piggia chi piggia,  
Azzunze l'atro, hò ùn quadrilemma infïòu  
In ta ganascia drita, e son stroppiòu.  
Viclefo o va in sciùn lòu,  
Giansenio o perde a mitra, o crïa: pietæ,  
Amixi: cäi, salvemmose, scappæ.  
Tornæ, vili, tornæ,

Risponde l'Erexia fæta ciù ardïa,  
Ma no, no gh'é ciù tempo, a l'é finïa.

. . . . .

Fantini o te a sorprende, e c'ùnn-a sùcca  
Pinn-a de scillogismi o gh'arve a nùcca.



## A-O BAMBIN

---

Cão Segnò — tùtt'amò,  
Tùtto bello, tùtto cão,  
Chi pèu stà — senz'amà  
Un bambin' da vostro pão?  
E maschinn-e — rossettinn-e  
Quando riei se fan ciù belle;  
Se m'ammia — se ve vortæ,  
Dui èuggin che paan due stelle;  
Se cianzei — voi me piaxeì,  
Pai ùn giglio in mezo a-e scioi,  
Che ne-e fèugge — o l'arrecchèugge  
A rozà d'ùn bello arvì.  
Ei ùn chêu — pe-i figgièu  
Pin d'affetto e de bontæ;  
Ne voei santi — tùtti quanti,  
A voi tùtti ne ciammæ.  
Cão Segnò, ecc.

---



## O Diao chi va a tentâ S. Francesco

---

Quando Meistro Belzebù  
O l'ha visto in San Francesco  
Tanti meriti e virtù  
O l'ha dito: eh staggo fresco!  
Chi bezèugna fâ 'ùnn-a guæra  
E cacciâlo sotto tæra,  
Atrimenti o me rovinn-a.  
O m'ammassa, o m'assascinn-a.  
Co-a sò faccia brustolîa  
Da-o sò, sùbito o l'andò,  
E fra i sùdditi o cerçò  
Gente intrepida ed ardîa,  
A quæ avendo radûnâ,  
Comensò coscì a parlâ:  
Figgi câi, ne-o mondo gh'emmo  
Un nemigo capitale,  
Un nemigo che dovemmo  
Tiâ ne-o baratro infernale,  
Ma o n'ha puia dell'arçidiaio,  
E stentiamo a sùperâo.  
Se però son stæto ardïo  
De tentâ l'istesso Dio,

Con o mæximo coraggio  
Vènggio fà quest'atro viaggjo.  
Combattiō comm'un despiòu  
Fin c'hò di arme e c'hò do sciòu;  
Vol seguìme e no temmei,  
Aggiùttæme ciù che poei,  
E ve zùo per tùtti i diai  
De lasciàghe finn-a a pelle,  
Basta pù che chi o rebelle,  
Ma vol atri seggei brai,  
E a penscion pe anchèu a saiä  
Ciù do solito aumentä;  
Via, mettemmo in riga a gente,  
E partimmo finalmente.  
Trentetræ Legioin de Diai  
Ean li tutte ä sò presensa  
A aspètä con impaziensa  
D'andä a fä sta caccia ormai.  
L'ëa composto ste Legioin  
De dūsettemilla amixi,  
Ma individui forti e boin,  
Adattæ giùsto pe-e crixi,  
Meno quarche veteran  
Che inderrè vegnïa cian cian,  
E infra tùtti favan sciù  
Cinqueçentomilla e ciù.  
Doppo questa esortazion,  
E d'avèlli ben squaddræ,  
O l'ha dæto a ogni Legion  
Tùtte i arme ciù adattæ,

E bandëe co-i ornamenti,  
Tambùì, bande e atri strùmenti.  
Berzebù, se no m'inaro,  
Pin de raggia e de venin  
O l'andava sorve ùn caro  
Tioù da Giùdda e da Cain.  
Vegnìa doppo i Diai ciù grossi,  
Armæ tùtti de piccossi,  
E in scè spalle avendo ancon  
Unn-a bòmboa c'ùn cannon,  
In te stacche dederrè,  
E in te quelle do xacchè  
Ghe tegnivan a rezion  
Con ogni atra provvixion,  
Balle, puvée, sccièuppi e lanse  
Pe taggià e squartà de panse:  
Chi da-i flanchi ghe pendeiva  
De gren sciabbre, e ognùn gh'aveiva  
A fiaschetta pe sciorbi,  
Ch'a tegniva sei bari,  
E tanti atri strofoggetti  
Da fà cazze e brasse e i noetti.  
Doppo questi apprèuo vegnìa  
I famosi Veteren  
Con felùà ch'a l'inorbìa,  
Con trei sccièuppi in te due moen,  
E a salacca appeiza a-o fianco  
Tanto a-o drito comme a-o manco;  
O sò Cappelò illùstre e degno  
(C'unn-a gamba peò de legno)

Eccitando ùn gran fùrò  
O l'andava avanti a lō,  
E andà avanti sempre o fava  
Chi ne-e gambe l'eguagliava.  
Doppo questi Veteren  
Seguitava i orbixen,  
Guersci, ranghi, sòppi, storti,  
Mezi vivi e mezi morti;  
Chi no poeiva camminà,  
Chi cazzeivà in te l'andà,  
Chi n'aveiva de coraggio,  
A chi paeiva lungo o viaggio,  
Chi perdeiva o sccièuppo e a lansa,  
Chi n'é manco andæto ùnn'òda,  
A chi doiva a testa e a pansa,  
Chi perdeiva e corne e a còda,  
*Ettecetera* e ciù o resto,  
Che tralascio pe fà presto.  
*San Francesco*, beato lè!  
Se esta armà de brai guerrè  
Tùtta a foise stabilia  
In questi ommi pin de puia!  
Doppo d'èse camminæ  
Finalmente so' arrivæ  
A ùn ben grande e vasto cian  
Da *Francesco* no lontan.  
Berzebù chi o se fermò  
E do caro sciù o l'isò  
Pe animàli a battaglia,  
E per compì a gran giornà,

E o fornì con dighe: Amixi,  
Se sciortimmo de sta crixi,  
Questa seia con Plùton  
Voemmo fà ùnn-a gran funzion.  
Doppo questo han continuôu  
O sò viaggio comensôu,  
E arrivòn ben presto a-o Santo  
Ch'o pregava là in t'ùn canto.  
San Fràncesco ch'o l'ha visto  
Sto spettacolo sei tristo,  
A-o momento sciù o l'isò  
E a fà guæra o comensò,  
Guæra orribile e che a dila  
No a porriæ maiciù fornìla,  
Ma e virtù do nostro Santo  
Tanto han fæto e han posciûo tanto,  
Che ben presto han trionfôu  
D'esto esercito arraggiôu  
Ch'o scappò rapidamente  
Senza manco ciù dâ mente  
(Tanto o l'ëa ne-a confùxion!)  
De piggiâse arme o rezion.  
Questa bella gran vittôia,  
Da quæ andiâ sempre memôia,  
A l'ha fæto che i nemixi  
Spaventæ da questa crixi  
Ne-o sò rapido cammin  
Han lasciôu do gran bottin,  
Che ne-o campo o fù accùggeito  
Da Fræ Steva e Fræ Beneito,

E fra tante atre demõe  
Che l'è stæto ritrovou,  
Emmo à Paxe conservou  
Euttoçento passa cõe,  
Mille fòscine e træmïa  
Còrne invèo che mettan puia,  
E tante atre rarità  
Da ãse ben consideræ.

Voi pertanto, Paddri illûstri,  
Che ne-o gïo de tanti lûstri,  
Con exempio de Çittæ,  
In voi stessi recopiæ  
E virtù de questo Santo  
Decantou, celebrou tanto,  
Compatime s'ho fallio,  
E se troppo v'hò seccou,  
Che ne-o dâve quest'addio  
No vorriæ ãse scorrossou,  
Né vorriæ vegnindo in sorte  
Di òte a batte a-e vostre porte  
L'amicizia rinfrescá,  
E per poei ciù allegri stá  
Che con modda troppo ingrata  
Me neghesci a ciccolata.



## Pe ûn Sposalizio

---

Lascemmo à parte  
O *tac* e l'*oui*,  
Voemmo di solo:  
*Sci, Signorsci.*

Questa a l'é a lengua  
Che intendan tûtti,  
Che intendiaë finn-a  
I sordi e mùtti;

Questo o l'é o moddo  
De parlâ ciæo,  
O veo Zeneize  
Zù-a riso-ræo.

Dĩ: *jà, jò, tac*  
A ûn orso, a ûn can,  
Scàppan dâ puia  
Finn-a doman;

E han fæto ben  
Spozðu e Spozâ  
Quando sentindose  
Interrogâ

Se son contenti  
De di de sci,  
Presto han risposto :  
*Sci, Signorsci.*

Se rispondeivan  
O *tac*, o *jà*,  
Se ghe sœ dito  
Andæ a spigoâ.

E l'è per questo  
Che mi hò vosciùo  
In lengua patria  
Fâghe ûn salûo,

E che ghe vèuggio  
Pregâ da-o Cê  
Benedizioin  
Da capp'a pê.

Primma de tûtto  
Prego o Segnô  
Che stagghe a paxe  
Sempre con lô;

Che ûn solo sêggian  
Spirito ûnïo  
Comme due cômbe  
Ne-o stesso nïo;

Allegrî sempre,  
Sempre contenti,  
Senza discordie,  
Senza lamenti;

Che ne-a sò casa  
Ghe cièuve in grande  
Dinæ e salûte  
Da tûtte e bande;

Che ne-o Negozio  
Do *Sciò Carlin*  
Sempre de gente  
Ghe segge pin,

Tanto che a roba  
Presto a tabacche,  
Se guagne mutte  
E s'impe e stacche.

Cose hò da azzunze  
De ciù, Spozoei?  
Se ancon contenti  
De mi no sei,

Ve preghïo vitta  
Pe centèutt'anni,  
Senza maottie,  
Senza malanni,

E pe rescioàve  
De vòtte o chêu  
Unn-a dozzenn-a  
De boin figgiêu.

Ma sorvetùtto  
Prego che Dio,  
Che e Vostre Nosse  
Ha benedio,

Sempre o ve dagghe  
Consolazioin,  
E o ve continue  
Benedizioin;  
Cosci saei sempre  
In allegria,  
Comme sei aoa,  
E cosci sia!

## DUE PAOLE A-I CIAVAEN

---

Ciavaen, sciallæve  
Perchè seì ommi  
A dila scchetta  
Ben galantommi.

Per mi ve stimmo  
Per tali, e o diö  
Finché ùnn-a zimma  
De vitta aviö.

Ciavaen, seì soli  
Voi atri quelli  
Che in mezo a tanto  
Già de cervelli,

Ei anco'a glandula  
Pineale a posto,  
E ciù ch'a-o fümme  
Dæ mente a-o rosto.

Ciavaen, ve diggo  
Quello che sento;  
V'assegno proprio  
Che son contento

De vedde a Fede  
Di vōstri Poæ  
Cresce ne-figgi,  
Fiori in çittæ.

A-i nostri tempi,  
Ciavaen, saviei  
Che existe a-o mondo  
Tanti procûoei

Laureæ all'inferno  
Da Belzebù,  
Nemixi acerrimi  
D'ogni virtù.

Sti tali cōran  
Co-i sò pappè,  
E spesse vòtte  
Ve son pe-i pè,

E in mille moddi  
Çercan d'estingue  
A bella Fede  
Chi ve distingue;

Che Crocifisso!  
Che miäcoil - Dio  
O no dà mente  
A-o nostro crio;

Se sta lontann-a  
Quarche desgrazia,  
L'é citi per caxo  
Che no pe grazia;

Se cièuve, cièuve  
Perché l'é nùvio;  
Se schissa e nùvie  
Ven zù ùn diluvio,

Se cangia o vento,  
Ægua, bon giornol  
A rivedersci  
A-o tò ritorno.

Davvei? ma bene!  
Ma bravil... eh scemmi!  
Dìme ciù tōsto  
Che seì malemmi,

Che n'èi ni fede,  
Ni bon costùmme,  
Ch'èi l'intelletto  
Privo de lùmme,

E che seì gente  
Assalaia  
Da-o *Sciò Scarpetta*,  
Chi é vostro poæ.

Quello Dio dunque  
Ch'o l'ha posciùo  
Fà che de giorno  
Divente scùo;

Che in faccia a Dàvide  
Cazze Golia,  
Che sciorte i ægue  
D'in t'ùnn-a pria,

Che derrùe Gerico  
' Senza fà guæra,  
Che sotto Abiron  
Se spacche a tæra;

Che o Sò se ferme,  
Che s'arve o má,  
Ciù fà de miäcoi  
O no porriá?

Oh insensataggine!  
Oh tempi? oh teste  
Degne d'ùn fùlmine  
Chi ve tempestel

Eppûre a-i nostri  
Giorni se credde  
De cose proprio  
Da fà travedde!

No son molti anni  
Che se dixeiva  
Che ùn cannocciale  
Grosso existeiva

Con lenti drùe  
Dul parmi e ùn terso,  
Do quæ servindose  
Veddeiva un guerso

Di ommi volanti  
Lasciù in ta Lùnn-a  
Che s'affannavan  
Pe fà fortùnn-a,



E che portandose  
In lontanansa  
A-o *Cappo* dito  
*Bonn-a Speransa*,

Con questo pèsta  
De cannocciale  
A Lùnn-a a paeiva  
Ciù colossale;

Veddeivi case  
De sette cien,  
Veddeivi gatti  
Scorrii da-i chen,

E distingueivi  
Ben per sotti  
Proei pin d'erboëti,  
D'erbette e sciol.

Za s'aspètava  
L'atra invenzion  
D'ùn infinito  
Lungo Trombon.

L'é seiçent'anni  
Che i vostri Artæ  
Mostran l'immagine  
Che veneræ;

Ne-e moen de questo  
Dio Crocifisso  
Tutte e speranse  
Ei sempre misso.

Se minacciava  
Quarche disgrazia  
Ghe ricorrevi  
Sempre pe grazia;

E no v'ha mai  
Lasciòu o Segnò  
Senza ùn speciale  
Segno d'amò.

Taxo i incendi  
Spenti per Là,  
I ægue a tempo  
Vegnùe da-o Cè;

L'allontanàse  
Di epidemie,  
E guære orrende  
Per Là finìe,

E ve diò solo  
(Né ve o sò di  
Senza sentime  
Inorridi):

Ve sovven miga  
A brùtta scena  
Che o *Sciò Choléra*  
O fava a Zena?

E tårbe immense  
Che spaximæ  
Moivan pe-e case  
E pe-i ùspiæ?

I gren Zeneixi  
Che chî scappavan,  
E paeivan vivi  
Perchè parlavan?

Ciavaen, son queste  
Cose che sei;  
O vostro scampo  
A chi o dovei?

A-a sorte, a-e mûägie,  
A quarche Forte?  
Chi intræ per tutto  
Fêua che da-e porte.

E guardie, i Forti  
No son servii,  
De mûägie a Zena  
Ghe n'é trei gii,

E intanto o morbo  
Dell' Indostan  
O g'ha sapûo  
Ben toccâ a man.

Ve o là o Potente  
Chi ha preservôu  
Ciâvai da questo  
Morbo arraggiôu,

Senza l'aggiûtto  
Do Crocifisso  
Anche per Ciâvai  
O l'êa ùn pastisso.

Andæ in Parrocchia  
E dæghe ún baxo,  
Mandæ a fá leze  
Quelli do caxo,

Che nell'autunno  
No càzzan fèugge,  
Dixe o proverbio,  
Che Dio no vèugge.

## BRINDIXI

---

Quarcûn m'ha dito - ch'a l'é insolensa  
Parlà in zeneize - con sò Eminensa;  
Sicché òo deciso - quæxi a taxei  
Per no fà cose - contro o dovei.

Ma poi pensando - che antigamente  
Non ëa creddûa - cosa insolente

Ni da San Paolo - ni da San Pè  
Parlà o dialetto - nostrâ o foestê,

Me son denêuvo - incoraggïo,  
E s-i pregiùdizii - hò dito addio.

Scià scûze dunque - *Taddini* cào,  
Se parlo a lengua - de mæ messião.

Cose me secca - o l'é o gran tema;  
Ghe sæ materia - da scrive ûn poema.

O l'ëa lunghiscimo - l'anno passôu,  
E pe sciortine - l'hò ûn pō taggiôu.

Doviæ l'antigo - tema finî,  
De cose nêuve - aviæ da di;

Me ghe vorrieiva - proprio ûn teston  
Comme l'ëa quello - de Præ Sûcon.

Gh'é là *Persoglio* - che con raxon  
O s'aspêtieiva - ûnn-a canson;

Cō Præve nêuvo - comm'o l'é lè,  
Queste demõe - van pe-i sò pè.  
Internamente - me sento rode  
Pe n'avei tempo - de fâghe ûnn'ode,  
Un epigramma - ûn sùnnettin,  
Un madrigale - ûn strofoggin.  
Che zovenotto! - o m'innamõa!  
S'o foise Vescovo - gh'arrezia a cõa;  
S'o foise Pappa - staeiva con lè,  
E giorno e nêutte - ghe baxia i pè.  
Con che modestia - con che contegno  
O no portieiva - o sò triregno!  
Gh'é *Præ Bacciccia* - mæ amigo cão,  
Chi non ha zoveno - da stâghe a pão,  
Pin de talento - pin de virtù,  
Exempio e spëgio - da zoventu;  
Ma o n'ha bezêugno - de mæ cansoin;  
L'ei pù sentio - questa mattin  
Con che bell'enfaxi - o predicava,  
Comme o gestiva - comme o toccava!  
Per mi da ûn canto - me l'hò sentìo,  
E quæxi in estaxi - o m'ha rapìo.  
Se per mæz'õa - son Cardinale,  
Ghe daggo ûn Pûrpito - quaresimale.  
E quello Seneca - de *Præ Nicolla*,  
Ch'o pã de véddilo - ûn pûta molla?  
O l'ha ûn inzëgno - e ûn fëugo in lè  
Da fâve tûtti - restâ messè.  
Ve creddei ninte? - o l'é Dottò,  
Mezo Canonico - Vice-Rettò,

Famoso in versci - famoso in prosa,  
O l'ha ùnn-a testa - chi é prodigiosa.

Taxiö tante atre - sò abilitæ;  
Se o non é Vescovo - l'é per l'etæ.

So pappà intanto - pä ch'o m'ammie,  
Ma o sciacca l'èuggio - e o se ne rie.

Pe taggià cùrto - lascio da ùn canto  
*Præ Massa* o bravo - *Deneigri* o santo,

E o vëo modello - di vëi Rettoi,  
Questo chi splende - in mezo a noi,

Questo chi paga - e colazioin,  
Quando in San Loenso - fan de funzioin,

L'amabiliscimo - l'inclito e grande,  
Che dappertùtto - gran fama o spande,

O vëo Canonico - metropolita,  
Diggo *Cattaneo* - e a segge dita.

Lascio *Præ Poggi* - perché hò sapùo,  
Un pö tardetti, - ch'o l'é vegnùo.

Ché se o saveivo - ùn pittin primma,  
Sforsôu me saeiva - in prosa e in rimma,

In sciö gran merito - a di quarcosa  
De chi m'é meistro - in rimma e in prosa;

Tralascio o séguito - do Cardinale,  
Degno d'ùn cantico - ciù che immortale;

Taxiö do resto - di Convitæ,  
Personn-e tütte - distinte assæ.

Miæ con che gaibbo - con che manëa  
Van accostandose - i piatti ä cëa!

Comme mezûan - ben i boccoin!  
Comme distinguan - l'ægua da-o vin!

Ma gh'é de cose - ciù d'importansa  
Che non é quellà - d'impise a pansa.

Veddo *Præ Stùrla* - ch'o l'erze e brasse,  
E che o vorrieiva - che ve contasse  
Comme o gran viaggio - l'é terminôu  
Fæio a Torassa - l'anno passôu.

Sei ch'èa mi, *Stùrla* - o *Sciò Tognin*,  
Dui azenetti - e ûn cavallin;

Sei che *Præ Stùrla* - in to trottâ,  
Benchè braviscimo - ne-o cavarçâ,  
Ciù pe disgrazia - che pe sò fallo  
O l'èa derrûdu - zù da cavallo;  
Che semivivo - o l'é restôu  
E che a-e Baracche l'han rebellôu.

Fin chî sei tùtto - ma manca o resto:  
Sentîlo dunque - ché fasso presto.

Za mi cianzeiva - comme ûn figgièu,  
Perchè a di o vëo - son de bon chëu.

Arrivæ ä porta - do Baraccante,  
Sbraggio pe-o primmo: - Oste, Bettoante!

E l'Oste o sciôrte - mezo insprîtou:  
*Cose oeio?* o dixe - *cose gh'é stôu?*

Misericordia - sbraggio, pietæ;  
Metteine in letto - sto pöveo *Præ*;

O l'é chi tōsto - in angonia,  
Ah pöveo diao! - veddei ch'o spia!

Mentre cianzendo - diggo coscì,  
Sento ûn chi sbraggia: - *Ahi! ahimé mi!*

Me vòrto e veddo - o *Sciò Tognin*  
Che pà ch'o vëugge - tiâ za o gambin;



O s'abbandonn-a - in sciunn-a pria,  
E, per mi, o dixe - a l'é finia.

A questa voxe - benché abbattùo,  
Præ Stùrla mæximo - o caccia ùn lùo,

O tenta alsàse - e o fa ùn cert'atto  
Ch'o pà convùlso - o dunque matto;

O pà ùnn-a biscia - meza taggià  
Chi se divincola - e a no pèu andà.

Mi comme fise - no ve o sò dī,  
Chi ha ùn pō de sæximo - ò pèu capt.

L' Ostessa intanto - se fa a-o barcon,  
E a sbraggia forte: - *Maio mincion,*

*Che ti aggi da ěse - coscì messè?*  
*Instanga a porta - tiite inderrè;*

*Chi no gh'é letti - da poet prestà,*  
*E s'ei o Còllera - andæ all' Uspià.*

Ma o pōveo Oste - mezo stordio  
Lì tùtt'assemme - o n'ha capio,

E o paeiva pronto - a soccorri  
I mæ compagni - che voeivan moi.

Allōa l' Ostessa - inveninà  
Tùtta a s'aççende - e a piggia a scà,  
E c'ùnn-a scciappa - de legna grossa,  
E cō gran mænego - da sò piccossa

A minacciava - ùnn-a tempesta,  
Ferma, decisa - d'arvine a testa;

E avendo visto - Præ Stùrla giàse,  
Contorçe e brasse - divincolàse,

Ch'o fesse e còrne - a l'ha creddùo,  
Atro conseggio - a n'ha vosciùo,

E a te gh'é andæta - sùbito addosso,  
Dèuveando o mânego - do sò piccosso.

Me diel, no gh'èa, - nisciùn villan?  
Ghe n'èa, ma stavan - ben dā lontan,  
E quello di axi - o camminava

Apprèuvo a ùn aze - chi ghe scappava.

Pe mette ùn termine - a questa scena,  
Monto a cavallo - e cōro a Zena;

Affannōu, rosso - arrivo in Cûria,  
E daggo parte - de quest'ingiûria.

Da tûtti i canti - sccièuppan da-o rie,  
E mi dā raggia - m'addento e die:

Me sento sùbito - scappà a paziensa:

E questa, sbraggio, - *l'é a provvidensa*

*Da nostra Cûria - pe ùn pōveo Præ?*

*Ahl no gh'é ciù ordine - no gh'é caitæ! -*

*Cose voei faghe - s'o l'é za morto?*

Risponde l'ommo - do oollo storto.

A queste paole, - alsavo a man,

E se non èa - pe *Præ Gallean*,

Chi me tagnisse - e o m'arretiasse,

Voeiva ùn pō fà - prèuva de brasse.

Allōa veddenddome - coscì imbestiōu,

Han finalmente - deliberōu,

Che se partisse - con mi ùn portè,

L'Ommo de Gexa - cō Labardè. -

Se sparze a nèuva - se fa do sciato,

Chi se radùnn-a - da-o Vescovato,

Chi da-i Dolori - chi da-o portello,

Secondo a gente - giava o çervello;

Gh'èa pin d'abbati - pin de cēghetti  
Che camminavan - comme gardetti:

Chi conta a cosa - comme a non é,  
Chi vèu savei - donde, perché?

*Ebben, Præ Stûrla? - l'han bastonôu?*  
*Ebben, Præ Stûrla? - l'é creppôu?*

*Comm'a l'é andæta? - G'handæto a striggia,*  
*Poi l'han cacciôu - zû da ûnn-a liggia? -*

*No, ch'o l'ha o Collera - e o l'é a-o Lazæto; -*  
*No, ch'o l'é cheito - No, che g'han dæto,*

*Azzunze ûn atro: - Me ne fa mâ*  
*Ma o se o doveiva - ben aspêtâ.*

*Che mâ d'Egitto! - sbraggia ûn abbate,*  
*Che creppan tûtti - queste seccate.*

*Un atro o crîa: - O l'ha finio;*  
*Addio, Cataloghi - Stûrlisti, addio.*

*Fra queste ciarle - fra questo sciato*  
*Mi sciôrto fêua - da-o Vescovato;*

*Ordino a squaddra - monto a cavallo,*  
*E tûtti dîxan: - Te là Peagallo!*

*Ma mi m'avanso - e rompo a gente,*  
*E a chi me ciamma - no daggo mente.*

*Ne cõre apprèuvo - quanti n'intòppan,*  
*S'ûrtan, se sprémman - sätan, galòppan;*

*Chi se domanda - chi se risponde,*  
*E ûn indistinto - lûo se diffonde.*

*Ecco chë semmo - za da-o Portello,*  
*E i crii m'han tōsto - rotto o cervello.*

*Vèuggio andâ avanti - ma no se pèu,*  
*Säta o cavallo - ûrla i figgièu;*

Sento de voxi - che criän: *Retiæve*,  
*Gente, fæ rōso - che l'é chi o Præve.*

Voeiva persciste - o Labardè,  
Ma se gh'é opposto - ùn granattè.

*E abbasso*, o disse, - *tanta mostarda*,  
E o te g'ha mezo - rotto o labarda.

Segue ùn scilenzio - à gran caladda,  
S'allarga a gente - s'arve ùnn-a stradda;

E intra, oh spettacolo - da fa pietæ!  
In mezo a-e guardie - da Sanitæ;

L'Appixonn-a axi - c' ùn azenetto,  
L'Oste, l'Ostessa - ùn cataletto,

E derrè a tùtti - gh'é o *Sciò Tognin*,  
Tiôu, fùto, verde - comme i limoin.

Sensa domande - ho ben capio,  
Che o mæ *Præ Stûrla* - o l'èa spediò;

E benché, a vista - dell'atro amigo,  
Sciortio pe miäco - da quell'intrigo,

A me recasse - qualche conforto,  
Pù l'èa ciù grande - o dò do morto.

Intanto o giorno - se m' òscürava,  
Ciù no sentiva - ciù no parlava,

E finalmente - no poendo ciù,  
Da-o mæ cavallo - son cheito zù.

No ve sò di atro - sò che fra i centi  
E fra i sospii - di mæ parenti,

Ciù tardi in letto - me son trovòu  
Pin de profùmmi - d'ægua e d'axòu.

Me dièi, ma *Stûrla* - o l'é chì a tóa,  
Dunque a sò morte - a l'é ùnn-a fòa.

A l'é ùnn-a fōa? - e rispettà,  
Così a mæ grande - autorità?  
Oh temp! oh gente - senza credensa!  
Ma cose fâghe? - ghe vêu paziensa.

Con tûtto questo - se me sentiet  
Anc'ùn momento, - ve ritrattiet.

Ei da fâ conto - che o *Sciò Tognin*  
Che aia o l'é ùn bello - nêuvo Abbätin,

A nêutte apprêuvo - a quest'evento,  
O n'ha posciù - dormi ùn momento,  
Perché o disgùsto - o l'abbatteiva  
Tanto che i òggi - serrâ o no poeiva;

Pensa, rifletti - cianzi, sospia,  
Fa giorno, sâunna - l'Avemaria;  
A questo ciocco, - o se vesti,  
E o fù sentio - pregâ così:

*Se torna Stùrla - in sanitæ,*  
*Mi fasso voto - de fâme Præ.*

Ei capio tûtto? - chi avia pensôu  
De vedde Stùrla - resuscitôu!

Per mi me sciallo - ma pe-i Cēghetti,  
Che avieivan tûtti - fæto i lûmmetti,

Gh'é arrivôu addosso - ùnn-a baccâ,  
Che no se a pèuan - maiciù scordâ. -

## PE-O RITORNO

do Rev. G. . . . T. . . .

### Sûnetto

---

Pippo, Beppin, Giòxeppe, ah cose sento!  
Ti hæ za vortôu bandëa, ti ê torna a Zena?  
Coscì poca imprescion t'ha fæto a scena  
Do Refettôio e l'âia do Convento?

Ah! che l'é troppo bella esta scirena,  
Moæ do grand'Ommo chi é nasciûo in Morçento!  
D'ammiâla solo a te fa o chëu contento,  
Tanto a l'é varia, diletta, amena!

Ma mi che aveivo fæto ûnn'Elegia  
In tersinn-e cianzendo a tò partensa,  
E a voeiva za stampâ da-o *Sciô Ferrando*,  
O mæ tempo, i me versci hò cacciû via,  
Hò cêto inûtilmente, e resto senza  
A lode che m'avix meitôu stampando.

---

IN OCCAXION

CHE O REV. G. . . . T. . . .

O L'ANDAVA A TURIN

a celebrâ a sò primma Messa

**Sûnetto.**

E ti scappi a Turin? Ma ti no sæ  
Ch'oeiva senti o tò primmo *Itemissese!*  
Che ti m'aveivi dito che vegniæ  
A senti a primma Messa a-e primme Feste!

E son queste e promise che ti fæ?  
E belle paole che ti dæ son queste?  
Ah Pippo ingrato e senza ûmanitæ!  
Oh amixi senza fede! oh tempil oh testel

O-o sò chi te ghe porta, o l'é l'amò  
De quello beneit'ommo chi é scappòu  
Dä Societæ pe no senti de fò.

Via, vännighe ti ascì, scappa da-o sciato  
De questa brùtta Zena, e là arrivòu  
Assottèrrite presto in noviziato;

Ma sacci che de dätò  
Ghe stan Maddre Tempesta e Paddre Tron,  
Che ben de spesso fan tremmâ o barcon;

Sacci che in Çè gh'è ancon  
Dell'ægua e da gragnèua chi te vegniä  
Pe despèto in ti veddri a tempestä;

Sacci che se da-o mã  
Ti væ lontan, ti t'avvixinn-i a-o Po,  
Che a tempo e a lèugo o saviä fà de sò.

Via, vanni a casa tò,  
Cioè a di in Convento: addio, mi t'abbandonn-o,  
Te baxo pe baxâte, e te perdonn-o.

FINE





## INDICE

Prefazion . . . . .	Pag.	3
Tobia e sò moggè . . . . .	»	5
A disceiza d' ùnn-a stella . . . . .	»	23
O mainà Bacciccin chi racconta in Senato a conquista de Çenie de S. Giambattista. . . . .	»	33
Pe-o Natale . . . . .	»	49
Un Generale e ùnn' Aquila . . . . .	»	53
Lamenti do Diao Zorzigian ne-o vedde o diao Asmodeo ligòu da S. Raffaele in ti deserti d' Egitto . . . . .	»	57
Pe-a partensa de P . . . . .	»	61
Brindixi . . . . .	»	65
O Savattin Göscin . . . . .	»	71
A-o sciò G. B. D . . . . .	»	83
O Poeta . . . . .	»	87
Idea de præ Tribùn . . . . .	»	88
Strofoggio zeneize . . . . .	»	89
Brindixi improvvisoù . . . . .	»	91
Pe ùnn-a vestizion de mònega . . . . .	»	93
A-o M. R. Melchiorre Fantini. . . . .	»	95
A-o Bambìn . . . . .	»	97
O Diao chi va a tentà S. Francesco. . . . .	»	99

Pe ùn spozalizio. . . . .	<i>Pag.</i> 105
Due paole a-i Ciaven . . . . .	» 109
Brindixi . . . . .	» 117
Pe-o ritorno do Rev. G. T. . .	» 126
In ôccaxion che o Rev. G. T. o l'andava a Turin a celebrà a sò primma messa . . . . .	» 127



# ERRATA CORRIGE

— —

<i>Pag.</i>	8	<i>verso</i>	15	vêa	<i>leggasi</i>	vêua
13	»	26	rompe	»	rompi	
17	»	9	zù	»	za	
26	»	15	oggi	»	aggi	
33	»	10	dovieiva	»	doveiva	
35	»	10	se n'anda-	»	sempre anda-	
			vimo		vimo	
»	»	28	cão	»	cavo	
36	»	28	religion	»	devozion	
38	»	3	solo nêo o	»	solo o nêo de	
			do Cipinolla		Beppinolla	
»	»	14	che con ti	»	che con ti mo	
			me ne ligo		ligo ùn brasso	
			ùn brasso			
»	»	30	de	»	da	
39	»	6	brághe	»	bæghe	
»	»	29	Rocca	»	Rocco	
41	»	13	Pagna	»	Pasqua	
42	»	20	fuor	»	pur	
»	»	28	potenti	»	portenti	
43	»	17	portiän	»	partiän	
44	»	5	giascio	»	giäse	
46	»	»	femmo in	»	faimo in pessi	
			pessi i mar-		märmai, moin	
			mai e i moin			

*P' g.*      *verso* 15 nù segnava » o n'assegnava  
          »      27 comm' ùn- » comm'aquila  
                       n'aquila  
 79      »      5 ma no o » me o no pensa  
                       pensa atro      atro  
 97      »      7 se me vortæ » me vortæ  
          »      9 voi me piaxeì » me piaxeì  
          »      11 o l' arrec- » ol'acchèugge  
                       chèugge  
 123      »      6 l'é creppòu » o l'é creppòu  
 124      »      6 o labarda » a labarda






PREZZO L. 1, 50









the 1990s, the number of people in the UK who are aged 65 and over has increased by 1.5 million, and the number of people aged 75 and over has increased by 1.2 million (Office of National Statistics 1999).

There is a growing awareness of the need to address the needs of older people, and the importance of the role of the family in supporting older people. The Department of Health (1999) has identified the need to support older people in their own homes, and the importance of the role of the family in supporting older people. The Department of Health (1999) has identified the need to support older people in their own homes, and the importance of the role of the family in supporting older people.

The Department of Health (1999) has identified the need to support older people in their own homes, and the importance of the role of the family in supporting older people. The Department of Health (1999) has identified the need to support older people in their own homes, and the importance of the role of the family in supporting older people.

The Department of Health (1999) has identified the need to support older people in their own homes, and the importance of the role of the family in supporting older people. The Department of Health (1999) has identified the need to support older people in their own homes, and the importance of the role of the family in supporting older people.

The Department of Health (1999) has identified the need to support older people in their own homes, and the importance of the role of the family in supporting older people. The Department of Health (1999) has identified the need to support older people in their own homes, and the importance of the role of the family in supporting older people.

The Department of Health (1999) has identified the need to support older people in their own homes, and the importance of the role of the family in supporting older people. The Department of Health (1999) has identified the need to support older people in their own homes, and the importance of the role of the family in supporting older people.

The Department of Health (1999) has identified the need to support older people in their own homes, and the importance of the role of the family in supporting older people. The Department of Health (1999) has identified the need to support older people in their own homes, and the importance of the role of the family in supporting older people.

The Department of Health (1999) has identified the need to support older people in their own homes, and the importance of the role of the family in supporting older people. The Department of Health (1999) has identified the need to support older people in their own homes, and the importance of the role of the family in supporting older people.

The Department of Health (1999) has identified the need to support older people in their own homes, and the importance of the role of the family in supporting older people. The Department of Health (1999) has identified the need to support older people in their own homes, and the importance of the role of the family in supporting older people.